

兩

浙

輶

軒

錄

兩浙輶軒錄卷十九目

楊正講

張思問

沈懋華

徐以升

金昌世

鄭世元

江作楫

張以瑨

查克念

程開業

許勉煥

丁翊壽

梁啟心

梁詩正

胡彥昇

徐廷槐

余懋棟

張爲儀

章 檻

范從律

陶愈隆

何 熊

沈榮簡

沈無咎

黃 輓

蔡 輓

萬承勸

方啟英

正宇清

王 炳

張元彪

嚴敬煜

汪紹焜

葉之淇

葉之溶

曹庭棟

張安絃

徐毅生

姚世鈞

姚世簡

屠 庶

余 崇

俞永思

陳 梓

鄖希文

張有涵

許 痞

翁遇標

何玉梁

陸汝欽

夏兆豐

胡師亮

臧振鷺

許道基

孫 濬

陸 嗣 林玉藻 沈廷薦 張南英 陸嘉穎

楊式玉 陳世儒 沈維基 俞 琴 俞班筭

周蓬吉 俞鴻發 俞元任 鮑延堅 王起鵬

陳敦讓 姚世鑑 周 濱 蔡朱鴻 許旦評

戴 清 胡龍友 孫 松 姚 炳 嚴 垣

汪士桂 薛國秀 金惠塵 顧 玉 許宏祚

顧士敏 陸名輔 聶培學 程 潤 邱 峻

吳邦煥

兩浙輶軒錄卷十九

督學使者阮元

楊正講

字誠淳海寧人雍正癸卯舉人

人

俞寶華曰楊正講爲詩清峻拔俗好使酒罵坐遇貴人輒不合禮官儀數日竟以病酒卒詩有式微吟范侍御咸刻其尤者

爲消寒集

安肅道中與周道夫小憩

短艤暫頓小橋西蘸水垂楊綠乍齊春半人家無雁過秋千院落有鶯啼馬騎玉鼻穿芳陌草合裙羃上小隄眼看韶華始未得餘生空似齋中雞

秋夜

貧難支客邸老易怯秋天風靜月亭午夜深人未眠思家空復爾顧影獨淒然愁絕南飛雁聲聲落枕邊

張思問

字去疑號雪煩海寧人雍正癸卯舉人官國子監學錄著虛生近草北軒存稟息渠剩藁

翁實華曰張思問爲侍御曾裕子官學錄以

母病乞歸親侍湯藥十餘年母終遂不出

題馬文毅公葬草辨疑

公名雄鎮廣西巡撫死逆藩之亂葬草辨疑者其獄中所帶晉

唐紳書也旁注小楷
出姬人顧氏之筆

物衆應知長葉芽百年父老歎蟲沙結纓自分遭猶突厥
猶傳出兎置慷慨墨池通舞劍沈淵翠袖解簪花英魂好逐
遙天雁銅鼓山頭寫莫霞

題天津查氏七烈傳後

落華無分託春風豺虎縱橫燕雀空從說亂流身是葉却看
四練氣如虹鬢雲早結慈間廬妖夢徒徵聞苑死通撒手懸厓
同一笑死綏還仗綺羅蔽

沈懋華字芝門太倉籍歸安人

沈德潛正癸卯進士官御史
宋之分斷脚也晚歸佛氏教不復作詩

陳焯曰：愁華以輸進經史，被吏議誤改部曹，不樂就遂，引歸。

泰和道中

行子易時序，但嗟江路難。帆轉天際遙，出青林。端山勢落空翠，滄聲生夜寒。鄉書猶未達，雲海正漫漫。

渡江

路盡鳥飛外，微茫一葉舟。月斜江岸曉，潮落海門秋。山樹南朝寺鐘聲，北固樓寄奴。城外草隱隱，入邊愁。

秋夜東湖玩月

洞庭木脫渺愁余，倚櫂寒流挹望舒。笛裏關山清夜怨，鏡中樓閣美人居。天高風轉依枝鵠，川靜波騰縱壑魚。直是乘槎度銀漢，都看白露下前除。

峽江

浮雲渺萬會數

上聲

日清江行鄉國夢千里子規啼數聲人言

峽中路南下五羊城流水去復返空嗟華髮生

徐以升

字階五號憩齋德清人元正孫雍正癸卯進士歷官江西按察使著南陔堂集

湖州府志以升官御史時疏陳水利議題田法成本編

術出爲江西按察使發奸摘伏人多憚之尋改廣東解

糾歸生平和易坦率

處事廉無異衆素

嘉

陸闕詩話

湖州徐階五先生贈沈椒園詩云詩派

同初白官情共歡紅以沈乃初白先生外孫故也

關山月

大旗霞捲夕陽殘旋見邊城湧玉盤

鼓角無聲霜氣肅山河

流影鏡光寒白頭漢將古星立紅淚胡姬倚馬看淨掃烟塵

天闕迴清輝多處識長安

金昌世

字換區號守谷山陰人雍正癸卯

進士官清河知縣著入遵懷詩集

藝樓集小序先生閉門邦掃頤瀟應酬惟益君璞岩投

以詩仄然輒和且必得佳句先生嘗曰非吾詩佳乃與

吾嘆菴作佳也一日老友沈君南塘過之曰此昌黎之逐東野耳先生謝不敏而心契沈君之爲此美談也因用韓子語以誌斯集

贈羅易門同年

駘蕩鶯花九十春相看直是兩閒人了無色相休回首爲有湖山早乞身挂壁劍餘三尺水閉門書校一牀塵劇知老境能恬澹緩步時時岸角巾

懷胡稚威

野水春風改歲華新詞贈我木蘭花乍遙越嶠吟詩侶長醉胡姬貰酒家無計得歸騎欵段有人相對撥琵琶北書欲寄何由寄殘雪西窗一雁斜

偕趙備五劉一枝遊王氏襄園

一春長閉戶忽忽誤幽尋自笑看花眼終成好事心煙霞新

伴侶魚鳥舊閑林步屨能相訪楚然空谷音

鄭世元

字亦亭

一字燕

參號

耕餘

餘姚人

嘉

紹興府志

世元

幼穎異

博綜

藝籍

一發

之於詩思

沈格老論者謂得少陵家數

以子虎文貴

封翰

林

昔者

伶可稱絕對

又詩云古入不

死吾猶在

秋氣無

埋

情物亦生

苟全始信

談何易

餓死今知事

最難皆可傳

若擊門鄰

借村農具

出巷人從寫

藥方

諸子盡能划短

人虎却下筆老辣如于今負背多芒刺以後甜頭望蔗

渠畢竟與宋人不同也若樹底暖鶯初調舌名

中寒食最銷魂則晚唐高韻元人所不能仿矣

諸錦曰鄭詩汪洋汗漫若無端倪細按之元本次山

香山旅人憂患之餘頗見至性世以酒徒

泪之非也

陶元藻曰黛參先生芳草路旁都是

恨暮山樓上對誰青使我神移也

出門別妻子

在家不知好出門使心悲嬌女繞我膝小兒挽我衣似亦解離別却去還復來惟此不忍割令我殊依依昨日適南市思

買緝綺歸綺要機中織羅婦方縗絲將絲撚作線成衣知幾時我老待兒養塌焉摧心脾

官賑謠

黃鬚大吏駿馬肥朱旗前導來振饑饑民腹未飽城中一月擾饑民一簞粥吏胥兩石穀我

皇聖德仁蒼生官吏慎勿張虛聲

燕

日暮差池影穿花故故頻與君同在客是處可憐春弋者無余慕天涯戀主貧清明滿桃李蝴蝶過東鄰

母抱兒

母抱兒兒在懷中啼我兒且勿啼村中榆樹剝盡皮三日不食氣一絲那得有乳哺汝飢抱兒出門去負兒行道周不知

東西與南北仰面乞食低面羞行人來往各炳炳嗚呼誰能
拯汝母子命

渡揚子

忽聞澎湃聲大江又當面十年不來遊如與故人見江光只
如昔我老顏色變西日沒復升東流去不轉逝者如斯夫來
者亦可鑒南瞻建康城北瞰山陽縣當時英雄人千載一過
電胡爲尙役役臨衰感貧賤

新柳

善和坊裏信如何蘸綠採藍動玉河禁得輕寒一百六倦扶
頭起爲春多

碧於春水淡於烟搖就鵝黃二月天最是揚州舊時夢十年
愁煞杜樊川

客舍心情費忖量江干一曲女兒箱羨他絕不關閒事幾箇漁舟弄夕陽

江作群

字汝舟號警堂歙縣人金華籍雍正癸卯舉人官天台敎諭著鳴秋草

抗世駿鳴秋草序略曰江君晉堂純修績學所居輒化位不稱德用儒官鄉之人將以配神門人林其遺教戶視至今遺詩滿篋述祖德誥見弟仁聲義色讀未卒業孝弟之心油然而自生

中秋次泰安州望嶽

灝氣橫空黛色秋解鞍問月泰安州分明雲嶽起方寸指點東皇在上頭縹渺秦碑何處見槎枒漢柏幾枝留羽翰便欲乘虛去觀海峯頭說快遊

法華晨起卽事次張鼎若韻

自來山寺覺山空況是晨光動曉風林氣已開千嶂紫禪堂
猶見一燈紅鐘催別院春雲碓茗試新泉引水筒此地清幽

人跡少先生吟賞與誰同

張以碧

字次玉浦江人雍正癸丑進士官南州知州著龍藏詩集四卷

樓上層曰張次玉成進士授都督令陞知昌平州調霸州

寄程五舉

開業

山陽尙有舊瓜廬便賦歸來計未疎風綻桂枝含馥處雨添
梧葉展陰初且乘此後長閒日補讀從前未見書試問半生
頻東帶當筵虛好品熊魚

雪舟詩有秉鐸還存采藥心之句賦此以寄

非爲冷官催上道偶因采藥向天台山中漫酒饒靈藥好覓
當歸遠寄來

查克念

字惟聖號雙峰海寧人慎行子蘿正甲辰舉人著雙峰詩鈔六卷

查氏家傳畧曰克念由府學縣生雍正甲辰舉人著史漢識小錄八卷讀書錄十二卷俱散失卒年四十八

大兄自刑曹乞假去秋附漕艘南歸凍阻閘河今傳已

抵京口詩以迎之

別夢依長枕回頭忽四年難留惟歲月易得是林泉人似將
巢燕官如已蛻蟬故應詩滿僕並談兩神仙時與陳梅溪侍

程開業

字徵一
士歷官充沂

曹道著五峯詩集四卷

州司主事陞本司郎中通御史

以疾不就出知濟南府

擢充沂

曹道兼黃河道在濟南時制府欲墾荒益課徵

行山

左右數十州郡督甚急獨府君不可曰承平久地

程兆選

行狀署曰府君以雍正甲辰成進士

授戶部尚

無遺策吾不能不爲民計也其兼理河務也

秋潦暴集

提且潰

府君立其上指揮下婦衆皆奔竄有請督避者

府君厲聲叱之曰此日直達徐邳足一

多數百萬生靈盡魚鱉矣卒完埽而退

早行岳下

寂寞荒亭斷麗譙空聞落木夜蕭蕭晚鐘破夢來山寺倦馬
隨人過板橋翠黛霏霏圍岳廟銀河耿耿獨星昭丈人峯下

登霞客日觀天門肯見招

重至歷下

分符憶得濟南遊
湖岳烟光一望收
月映華山雙碧嶂
風渝灤水一浮鷗
詩人無復邊廷寶
稚子能言郭細侯
桂苑三年成電影
郵亭落日響簾鈎

許勉敬

字思晦號晚榆海寧人雍正丙午舉人官阿迷州知州著晚榆詩集

俞賓華曰許勉敬遷中書出即魯山歷汜水棟畱治行爲中州冠古循吏無以過之陞阿迷州乞歸子道基視學廣西就迎之粵卒於桂林使署

舟過衢州

平生聞說爛柯事
今日看山不上山爲怕仙人棋入眼等閒

局悞人間

丁翊壽

字日高號菊潭長興人疑子雍正丙午順天舉人官鍾祥知縣著枕澑齋詩集

賀蘭山紅柳

賀蘭山畔柳千株一色妖紅態獨殊
衡品可能同絳樹移根亦許近清都
微雲點染疑丹桂好鳥飛來定赤鳥
說與小蠻心轉惑不妨看碧更成朱

梁啟心

初名詩南後改今名字首序號謾林仁和籍錢唐人支濂子乾隆己未進士改庶吉士授編修著南

香草堂

詩集

梁同書行述畧曰府君生有異稟與同里嚴季傳任處

泉杭董浦孫虛船陳句山切劇爲文成進士選翰林院

庶吉士乞假南旋爲先王父貢生廣得之葛嶺之原先

王父喜甚以其地居葛嶺孤山之間曰葛林園文莊公

召對之次仰蒙垂問奉

召對

旨授編修在家授璫吾卿詩社自癸亥以後稱最盛者十

年每一會率二三十人縉袍朱履布衣革帶之流靡不

畢集社中自顧月田鄭筠谷周穆門金江聲朱鹿田吳

東壁鳳樊樹施作叫諸先生相繼下世風流雲散詩社

遂已既乃與杭董浦及後輩數人爲忘年之相偶和云

杭州府志文苑傳啟心幼警敏號爲奇童初浙江岸門

居老屋數椽與弟詩正自相師友詩文意境澄夐鬱達

不染纖埃而文如越

人之醫能隨俗爲變

隨園詩話梁文莊公之兄守存入翰林後卽乞歸養其子山舟侍講亦早乞病使其弟敦書仕於朝一門家風如此守存除夕約同人遊吳山不果寄詩云何堪歲盡復遷延夙約都爲俗事幸多謝分吟酌一席不妨屬和待明年空山響答千門爆落日寒迷萬瓦烟想見諸公高吟處下方人指地行仙除夕云舊賜宮袍聊一著新頌春帖懶重書晚過山菴云清依古佛原無夢老笑秋蟲尚有絲

邊顧公自楚州至予適有越州之行歸後漫東

君貰餘杭酒我泛剡溪船亦復何爲者有如相避然一徑入秋晚三旬成晝眠相思渺何許紅樹白雲邊

集紺谷亭觀趙松雪維摩示疾圖以東坡天柱寺維摩塑像詩今觀古塑維摩像病骨磊嵬如枯龜爲韵分得望字

維摩具上根無苦惱畏怖云何忽示疾瘦比伽梨樹膚有楊

惠之塑像等金鑄後有趙承旨繪事肖於塑遂令淨名相流傳入藝圃我還問居士此疾何當去如從四大起四大本不
住佛說不二門了義元自具無言與辯才何者爲是處丈室納諸天香積借一箸彼法絕思議此圖其殆庶妙手開生面恍若夢中遇一足小解脫半榻大了悟相見問答時天花散如雨我友喜供養合十幾度挂以玉鵝父囉以鸞綾素客來寂無喧嗒然喪其故道與聞妙香洗心沃甘露可惜盡中老垂眉不我語聊作公案畱向佛一呈句

送金壽門之邗江

薦紅零落翠英攢飛絮遊絲盡作團無計畱春且畱客梨園

小都當花看先一日集桐乳齋觀湖

芙蓉用歐陽公初食雞豆詩韻爲寸田作

晚風吹老碧雞子簇簇排頭滿湖鷺青菱紫菂不值錢擘得
明珠貴莫擬南人食芡如食乳白漿忽落紅瓷底休笑當年
只識酥新剝故應新浴比乍看嫩滑浮輕碾小摘甘香鬪濃
醴樓中煮酒愛初嘗軟嚼似牛便老齒夢回清味猶彷彿舌
根不到羶腥裏未妨茗飲聊作奴惟有杏酥差繼美羨爾新
法傳食譜雖不我餉亦歡喜明當擇居免裹粧綠綢第三橋
下水

南屏讓公山樓看紅葉

夾路霜林導我行精廬重到眼還明西來幢蓋虛空現南渡
胭脂點染成舉酒欲邀殘照在登樓忽動晚秋情朱顏凋盡
漣無賴不及楓榆態尙生

朴山方先生至自睦州卽席賦呈

子陵臺畔水粼粼一夕扁舟下富春猶記後堂容我到不逢
前席竟誰陳閒徵剩事添詩料笑傍寒花遲酒人白髮尊前
風議在年年小別不須論

春社日同人展穆門墓於青芝塢用皮襲美過張丞吉
處士故居韻

修夜仍看意似霞人生到此重吁嗟墓門短碣題徵士身後
遺文屬大家社至酒澆新草色春深雨泣小桃花一灣青石
橋頭水流恨年年未有涯

壽龍泓六十

巷南巷北對荆扉出處吾真愧少微六十頭鬚看尙黑五千
文字情長饑身仍乳下嬰兒子名署江干老布衣詩學是君
門內事二丁聲譽早鶯飛

寒山舊廬孫氏別業也故桐城相國張文端公曾爲題

詩刻石今歸陸芑洲上舍因次原韻奉贈

來鳳岡前古一邱巖花澗草足盤遊卽今甫里聯吟地舊是
興公作賦樓絕磴晴看江樹迴虛亭夜聽石淙流與君細讀
磨厓句勝事猶新一散愁

桂堂羅漢松歌

有木似松實非松亦非杉檜栝柏櫟毋乃西行摩頂之別種
一粒飄墮東華東兩戒中間養成不壞體歷千億劫無春冬
風饕雪虐轉葱蒨後凋勁節與松同綠眉紺髮身手赤據拄
虛空具慧力疑是胚胎鹿母生倘教降伏獅王植桂堂老友
暫現幸官身詩弟子行半是善知識沃以池心功德之靈泉
示以階前跡趺之活石其證非佛非菩薩五百尊者變現此

其特松鍼多似恒河沙松影瘦於枯木查寒空一碧恣盤攀
菩提優鉢無光華卽看偃蹇古潭上羅蓋不敢擾蛟蛇南燭
子黃梅花膽瓶伴插何紛葩一笑卽憶舊公案正如左挾鬼
子右攝摩登伽乃悟象教在世每顯設夢中所遇荒忽安足
誇君不見纍纍結子都作應真相直與千男共乳妙用無爭

差

梁詩正

字養仲號蒼林錢唐人文淵子雍正庚戌進士及第第三人歷官東閣大學士太子太傅贈太保謚

文莊入祀賢良祠

著集

內

杭州府志名臣傳詩正五歲始能言性凝重與兄啟心

誠

研礪問學雍正八年進士及第擢侍講學士乾隆元年丁憂起用侍直

外廷遷內閣學士刑部右侍郎調戶部右侍郎疏諭兵

領部議從之晉尚書歷戶部長貳前後九載調兵部會

金川逆命故事經畧與大將軍體制無別迺考定章程

自禱祭至凱旋條上儀注載入會典金川告捷加太子

少師攝吏部尚書兼翰林院掌院學士滿洲大學士授

吏部尙書十七年乞養歸二十三年丁父憂旋起署工
部侍郎明年調兵部服闋授兵部二十六年補吏部仍
協辦閣務二十八年拜東閣大學士晉太子太傅卒贈
太保謚文莊入祀賢良祠生平居官勤恪門庭肅然遇
事有執守同官或嫌孽其類

上廉其實

眷注倚般供奉年久於內監無所交際多憎之

上益以是嘉詩正見御製懷舊詩注嘗預編校祕殿珠林石渠寶笈奉

勸善俱勒石侍從廣和有矢音集

和任處泉同年應烈移居快閣詩

那事支筇挂百錢眼前巖壑足清便常從禹穴探靈笈別有
樵風引客船倚檻翠飛千頃浪聞簾晴皋半窗烟此間合結

村農作量課關心指陌阡

胡彥昇字國賢號竹軒德清人雍正丙午解元

碧溪詩話初竹軒爲東樵先生之孫著書多種悉以關
發經訓爲尙致孜不倦有祖風諸書惟樂律表徵行世

贈山陰童鉞

行行韓退之神仙亦不歎孜孜孟東野天地常不寬當其相
得時心如距離甘君能鞭苦心而詩非郊寒雖無昌黎鳴聲
名噪詩壇我貧與君同昔曾廁微官十年老賓客不足繼盤
餐覽君擁絮吟再讀爲三歎寫君梅花照十分得一端援筆
廢君唱盡日愁肺肝薦君東序間無位良獨難

月夜有懷

空庭如積水荷蕖復紛紛把盞有明月仰頭舞片雲夜深常
獨醉人靜悵離羣攀桂一長嘯孫公聞不聞

與祝齋訂來年晤期

知已天涯在何妨慙別離怪他廊下吏收爾壁間詩種竹聊

成趣

遙書又一癡來春新柳發拂几待抽思

徐廷槐

字笠山號墨汀會稽人

正庚戌進士

乾隆丙辰舉博學鵠詞著墨汀詩草

紹興府志廷槐弱冠工舉子業名動公卿卽年四十舉于鄉主司臨川李敏也李還京師議門何焯北面賀得人會開制科大吏以名上及試以排律雷同削籍歸主蕺山書院凡三載得其指授者咸自名家

越風墨汀爲予庚戌同年友性情高曠言語妙天下不藉科名爲重輕丙辰試鴻博以山鶴舞鏡詩雷同被謫其實墨汀非不能詩也觀其

軒轅臺篇雖太白何讓焉

詞科掌錄會稽徐廷規由進士改敎授禮部尙書溧陽任公所薦不工爲排謫試日用山陰王霖之詩爲考官所糾部議落第嗤然其爲人自佳士文章峭刻清麗詩亦推落凡近與山陰周敦山徐彩至交有詩九首哭之
凭亭詩話笠山今古文爲世推重吾鄉能文之士多出其門雖不以詩名然偶有所得輒饒清永余猶憶其鄉居詩云麥熟童催鋤蠶眠婦守煙此等句尤真朴有味

軒轅臺歌

我行遊蘄州乃登軒轅臺臺空復何有惟見白雲蓬蓬天上來飄飄劍氣變塵土但餘荒邱百尺高崔嵬黃帝當時煉丹處聽湖蒼蒼暮雲樹神龍俯首來下迎竟逐軒轅向天去小臣

攀髯隨亦墀隨龍昇天杳無期臺下玉女七十二時化作
黃金芝秦皇漢武筋骨頑求仙采藥無時閒龍伯垂竿六鼈
死海波汨沒蓬萊山金銀宮闕忽搖塌至今桑田萬里耕人
間古來豪傑盡如此爇桂炊珠祈不死黃帝衣冠何處尋却
在橋山故陵裏天開大阤何盤紆崆峒七聖迷歸途伊誰前
導升雲衢翩翩兩黃蓋挾之同追趨神仙之事寶鑑身與俱雲愁
海思胡爲乎神仙之事真有無噫嘻吁神仙之事真有無

余懋棟

字升尹號蘿村諸暨人懋杞弟雍正庚戌進士官杭州教授著蘿村詩鈔指山樓集

經典府志懋棟專于經學任杭學時蘇文忠表忠觀碑久失所在銳意尋求竟于廢圃中掘地得之

遊平陽寺

空山正蕭瑟曳杖入秋陰風雨前朝寺鐘魚世外心鳥鳴紅
樹暗僧語翠微深知爾饒幽趣長歌對暮岑

題李獨峰知止居

卜築空巖隔徑幽蕭然物外滌煩憂常依仙客烏皮几自製
山人白鹿裘櫳鵠喧呶知雨雪林花開落紀春秋何年得脫
塵中網長向雲溪伴醉侯

寄鍾暮雲觀察

聞君近卜治城居掃地焚香日晏如夢裏尊鱸三泖近簾前
花月六朝餘旁開精舍羅名士細檢牙籤較異書更喜謝庭
多玉樹揮毫直擬駕黃初

寄楓溪弟

日向天涯念鵠鵠老來骨肉似晨星晚田蕪後歸難卜春草
愁多夢不靈八口君還依北海一磧我已倦西沿釣磯水漲
魚方美莫忘溪南舊艸亭

舟回口占

出郭日初上回舟又夕陽水枯雙橹澀木脫半林黃處處菱
伎港家家稻壓牆鄉村秋事畢寒意滿橫塘

張爲儀

字可堂號存中海寧人恩問子雍正癸丑進士官編修著寓庸堂集

俞寶華曰爲儀祖學雲南卒於道大學士陳世倌嘗謂人曰自諸生以至仕宦不改故常者吾所見唯此人而已

暮行郭店塘上

日落崦嵫外蒼然暝色橫枯蓬遮岸曲涼葉借風聲徑仄妨
人過橋危待伴行遙看遠林際斜月一鈎明

贈慈谿楊學現

楊爲前明萬歷甲辰狀元守勤之元孫間其家三世

同居藏書甚富

孤舟獨宿正蒼茫猶喜逢君是故鄉自昔早聞通德里於今
競說狀元坊百年第宅畱喬木萬卷圖書積石倉他日俟芭
問奇字會須載酒一升堂

懷俞聚之

時爲冀寧驛道

棨戟周巡處河山表裏雄雲陰連漠北地勢接天中蟋蟀民
風古飛狐驛道通遙知保障策應繼昔賢風

突兀竦槐樹空畱井畔陰淒涼餘我在寥落憶君心日照金
臺迴雲遮石室陰相期慎眠食歲晚雪霜侵

章

檄

字桂

天號

苧田

新城人

雍正癸丑進士官青田

教諭

著曉雲堂詩鈔三卷

洪耀

曰莘田未第

第日餉名著

日以耳聾降補

教諭學

問深邃著作甚

多家末新坡寓居餘抗妻周氏亦解吟

薄暮舟過湖州夾山漾遇大風雨

雲苔餘不羣流趨交匯澤國州名湖老蛟作宅巨鼈載一城
掌大虧菰蒲驚沙北走篠簷闊濤爲灤漫凌虛無橫耳何劙
百千頃玻璃綠淨靴紋鋪小舸急棹恐及暮厭厭潑墨沈方
隅顛風打頭拗折櫓逆落雨榔如竿纏進寸退尺何所屈捫
摸罅漏愁衣祫長年瑟縮不敢呼彷彿冥晦奔天吳是有
物窮怪迂大鯢歷起方南圖長魚負水小魚立鼓髻爭鱉于
明珠正爾險絕亦殊壯奇景易失徒嗟吁嗚嗚擁鼻急摹繪
句挾風雨紛前驅它時出險聊一讀龍腥海氣還噴噭

初遊徑山追次東坡先生韻

我生骨相宜住山歲華如水流長川因緣墮地已大錯祗悟
於世無周旋五峯距我三十里何至判隔如天淵今年決計
償夙負蠟屐孤往登其顛初從魚村縱遠目雲間雙角旆青

達到山曲磴歷千級鹿蹊一道微蜿蜒浮圖粘巖勢疑墮欲墮不墮依三禪_{巖上有亂石塔缺齋萬狀然壁立數}_{終不傾仆相傳大士一夜成之}絲杉蔽空嶂亭午漏景錯落紛迷錢俯看竹尾百萬箇懶雲春鳴鶯如眠羣山東來馳萬驥片墨斜下飛孤蔚須臾落日似懸鼓紫嵐赤霧相烹煎歸寮偃息聞梵唄伊蒲一飽殊便便茲山佳處畧已盡說說幻徒樊然龍湫杳冥未敢探更圓結夏來餘年

范從律

字希律一字西屏鄆人延鐸子雍正癸丑進士由庶吉士官商河知縣落第詩草

袁鈞曰范從律知商河縣有官莊田數百頃募民開銀
械耕不毛應募者多逃亡浮糧均于他田從律力請巡
撫奏免歲飢詣帳親履被災地籍戶給之立義塾常課
土署中鄭縣士亦多至者以病乞休家居惡衣菲食日
以詩文自娛

年七十餘卒

吸江樓晚眺和萬立山韻

穢穢風翻綠微微作浪紋山暝如帶雨樹渡不藏雲鵝鳴歸
成陣牛羊下自羣臨流無限意暮色已三分

奉檄分校南閣抵金陵進承恩寺關防八月朔日有懷

故山

似住不稱官似閒亦有俸似屬稀簿書似長煩迎送

江首以一員迎

轉本省亦元月來隨班同蘭襦舟車亦關防寸步不敢
誰日伴我亦縱行行抵金陵忽忽已秋仲寄跡分僧房千振倍嚴重聽慣

鎔柝聲宵晝無時空小樓障重垣望遠偏遮擁好友隔西東
茶話誰與共僧徒退院居間寂止梵諷蕭蕭秋氣悲悶懷積
瀆洞含節憶故鄉社鼓方喧歌舞跨垂虹舉國狂游衆畫
舫壓紅粧簾影波紋動纏綿想風物佳陡覺離情貢人生行樂
耳浮名究安用何當老家山既耕亦復誦逢時且尋歡塵鞅

謝轡控懷歸長簡書無由縱飛轡間道假華胥潛行託殘夢

八月六日偶成

又是高秋鎖棘天偶然觸景溯從前十回宮燭依寒席

余自壬午至癸丑凡五年皆與分校

四度宮花插舞筵

己酉乙卯丙辰戊午皆與分校

過眼光陰如夢

寐賞心文字亦雲烟短檠孤館聽殘漏一夜霜華到鬢邊

陶愈隆

字廣東固化知縣著晴林詩意

江雲詩話晴林詩成丁卯難呼集命後庚寅詳讀驗是

因丁卯上元作詩故借用許丁卯不期無巧也晴寒春

抑正孫草堂霧天低處上星亦別有姿致蓋其生平

補晴玉溪蘭城二家故雖眼前景不消一筆直寫

丁卯上元

魚龍百變海山鼇照徹天文北極高小隱菰蒲聽夜雨老驅
烟墨入春濤詩成丁卯難呼集命後庚寅詳讀騷京闕
勢想像蘭缸飄泪首重搔

次昌黎調張籍韻寄姪宗翰

文章各生面作者擅專長師古惟其是日月懸何傷才大萬
解論心精累黍量在昔曰先民千載磊落望派別導衆川一
一接混茫直境百谷王如以一葦杭負聲視風骨秀發交飛
揚鐵馬踏層冰黃河鼓磅礴幽燕老氣韻沈雄轉蒼涼惶惑
怪奇恣汗籍持正僵齋澄約六經虎鳳蛟龍翔肅穆蔚簡古
禮樂器琅琅正似君謨書偏偏高自將得失徑寸際錙錚與
毫芒嗟余有志焉風流情纏荒平生苦辛餘雞肋九羊腸南
箕張其口北斗不挹漿楚蠟困詔誄靈修嫉頃襄老矣趺宕
悲蕭然謝奔忙丹樓峻明霞夢汝飛韻頡

重寄李睦州

經年入夢舊花汀嵇呂相逢眼更青縞紵風流在東里湖山

清絕話南屏，峭寒春抑王。孫草還霧天，低處士星不有當時能置驛。吾徒容易慰飄零。

何

熊榜名維熊，字叔姪，又字太占號二齋。錢塘人。裔雲孫玉梁子雍正乙卯舉人。歷官祁陽知縣。著世經堂

集。滇南紀遊選

竹山房吟

案

翁方綱墓誌銘。畧曰：君根柢家訓學有本原，歷任屬邑於宜山。祁陽最久。其在宜山，鄰東蘭州。苗種構遷。君隨撫軍馳入苗寨，獲渠魁不浹旬而事解。天河民田數千畝，爭界址至四十餘年。君躬勘定，界爲結案。其在祁陽，清釐積獄，修熊羆嶺大路，續修縣志。凡諸邑疑獄皆委君鞠焉。然卒以寒暑跋涉殫竭心力卒于官。

高春江晚泊

青山如畫繞孤城，十幅蒲帆第二程。落日未沉風力健，滿江寒色待潮生。

同樊榭先生吳南澗姊丈于瑞庚表兄湖上歸春倣鐵

崖體

路入西泠烟靄收峯峯暖翠明珠樓太平時節可行樂少壯
心情多好遊況復春來九十日直須飲滿三千籌畫橈轉眼
盡歸去尙有晚鶯啼不休

暮春湖上口占

長紅小白可憐青一半春光付盡曉日暮遊人歌管歇寺門
閑煞柳千條

病中感懷

塵土勞人每自嘆愁顏怕向鏡中看病恩禪榻孤眠穩貧覺
豐年負米難索上塵封卜卦硯閨中人試却邪丸新秋時候
剛流火雨雨風風又早寒

淮陰寄都中諸同學

漫托征鴻問所思燕南越北總差池囊空客有羞歸色路近

家偏喜到遲撲面緇塵剛脫去愁人梅雨正行時只除髮白他無恙預報堂前老母知

重過南宦與朱方吳話舊

牽絲憶昨此停車地近交南氣候差逼歲風雷緣送臘入春桃李反無花監司偶遇俞希旦廉鎮常悲宋永嘉

左江張觀察日寒歿

於任萬民悲涕逾月古道如君能相吏那堪畱滯向天涯

沈榮簡

字振之號碧浪齋師歸安人三曾孫雍正乙卯舉人

沈榮成清嘉序畧曰弟幼聰穎甫解語卽呵筆成詩之人字宗黨見而奇之長而能文試必屈其膺屢上春官不傳卒於揚州橐盡散佚其遺

碧瀾堂

溪聲雷響來澄波渺一碧曾聞樊川叟愛此城居僻作堂淵
渚間拍岸晴濶溢分書畱墨妙照耀蛟龍宅想其豪邁時座

滿風流客公餘其俯仰塵襟頓洗滌恍在水晶宮軒窗靜如
拭玉湖映清影燈光澈瑤席舟移花柳晨幔卷烟波夕勝賞
列高譙冠蓋聚絡經情宣賦新詩千載猶盼炙斯人不可作
勝事感今昔館驛民居稠廬井辨遺跡蓼簇灘頭紅鸞點山
鵠白颯颯汀風生登閣慕遺澤

王虛舟吏部畱飲恒齋

爲訪如椽筆來尋背郭堂病餘芒屨健言外酒益狂巖冷碧
還積先生有齊空秋正涼時乞題秋
積書巖故人不相見遙望水雲

鄉

過沅亭三兄寓園次几山韻

不上蘇門山誅茅結淺屋簾捲秋樹根奇書十年讀勝氣籠
青霄超然鳳在竹心期故人來爾音毋金玉

沈無咎

字子慕號夢華長興人著

采若編無咎少見逐於後母逐跡陽羨乞食行吟多幽
邈悲憤之音邑令鮑西岡哀其人且重其詩招之始一
返故鄉後以貧老死鮑復歸其喪葬諸先塋側樹碣表之

酬邑侯鮑西岡

手拋紅豆結相思孤雁由來絕妙辭落盡梅花山鬼立夜深
猶唱鮑家詩

黃

輅

字乘殷會稽武

越風黃乘殷與余同官始執公牘有嘉樹清泉建草亭吟咏其下湘筒往來偶酬無虛日偶記其五言如山深藏碧獸樹盡見丹樓龍象諸天外山洞一氣中霧雨隨歸夢狹風彌暮潮地形連塞迥山勢抱城雄望沈虛晚照坐久密秋星七言如橫外梅花長入夢春來江水暗添愁店火微明連野燒屋茅屋出樵漁蓑一門將種故將軍桑海慣看銅狄老蓬臺曾遣鯉魚還謝莊賦後餘殘月與信悲來見落花皆清華蘿藉無聲曉梨之風古詩尤多態度

戈郎佩刀歌

戈郎佩刀如白雪
剝多年無缺折
佩之繡帶雙紅綃
小尾春鶯光皎潔
今朝忽下清泠水
錦石秋沙平若砥
霜霍霍微聞咽水聲
蒼雲已向波間起
風胡不可逢薛燭多
蹀蹀金塘浮動紅芙蓉
誰知爲劍爲蛟龍
斷髮吹毛千古技
般血牛蹄何足計
腕下應無細碎仇
眼中只識春坊字
天風忽聞耶溪銅鼓
鞶躍治非神工鬼母
夜泣孤生蓬豐城之氣
如長虹刀分力冷
乘姿雖小龍性在終
恐高飛倚天外

畱別蕪湖舊友

于湖久住忽思家
勝侶分飛雁影斜
惜別一尊將進酒
含情兩朵未開花
殘年南陌無芳蹟
舊錄東京有夢華
不待登樓始惆悵
錦屏風外卽天涯

離筵有二
小伶度曲

蔡

軾

字

眉

瞻

號

怡

齊

德

朱星諸耕餘橐序畧曰余與數子月爲文字之會始識
怡齋詩由三唐入手中年覽兩宋諸家之集乃回轍就
之然胸次其粗鄙淺俗之音而不失夫溫厚和平之旨
諷諷乎其可誦也怡齋詩時而分類時而編年釐爲披
沙拾遺

各一集

陳焯曰怡齋性恬淡不求仕進酷愛眉山詩文書法並
得其閒奧晚隱邑之玉壘山陽顙所居旧不礙山樓

重九夜玩月寄商農

涼天佳月卽中秋坡公妙論莫與儔今年霖雨過秋半嬌娥
不見詩人愁韶然開齋值重九登高嘯詠舒雙眸薄暮微雲
斂天末山光凝紫嵐盡收林梢已見半輪上金波徐引中天
流清霜未降零露白叢桂將謝餘香留逍遙散步望空闊漲
水渺瀰清光浮此時情無一尊酒更呼良朋共勸酬人生失
意貴無意閒中至樂豈强求清風明月本無盡偶然相值非

相謀回思昏墊如隔世獨行孤詠忘百憂問君此夕空齋裏乘興還能上小樓

紀嵇君公美還金逸事

有序

君諱士標公美其字也邑之某里人生平以廉潔自勵忠信待人同里有周某者與君非深交一旦病革邀君至榻前密語出百金封識寄託君持歸逾十年周之子成立君呼至其家取百金付之封識如故君子聖符能繼君志託友求予文因作小詩志之

末俗何人嚴取舍先生高義過前賢百金持贈胡爲者十載封題尙宛然皎皎生平行不媿悠悠道路信能堅採風誰繙歐陽筆一行成編百謨傳

過孟井感作

有引

荒野中一枯井相傳是東野舊居至今以孟井呼之人笑工詩徹骨窮詩工未覺負斯翁只今廢井無涓滴名與江湖萬里同

萬承勲

字開遠一字西郭

鄆縣諸生雍正丁未舉人

本朝名家詩鈔傳

承勲嘗除文

學乃盛

充宗季壘兩先生旣用

經術史才并冕一時而胞姪則一先生復由薦舉入

館聯鉏接武聲稱籍甚開遠其家嗣也

貞一先生旋以

誦修明史尖當路意出爲五河知縣得死罪開遠時未

弱冠即游萬里乞清世賢士大夫醵金告贈當是時父

困縉紳母瘦素削發爲詩歌聲淚交遙久之得論釋生

還歸故里覩渠完鄉艱不得食已得嚴追贖錢重爾走

京師曩者知友零落殆盡計無復之恩自投西安縣已

入關遇故人予某力援之爲完帑項事乃寢歸時小除

夜半呼門入父驚喜墮牀下痛既定出有鏡所作明諭

母前且泣且笑曰兒郎榮我以告身猶無此樂也雍正

旨特授磁州牧余時爲邯鄲令同官交好知其生平最悉聞

以詩云孟少卿以詩名人咸擬之孟東野查初白先生嘗贈

千餘載苦諒何人更別裁風雅道衰

初元年六十以諸生保舉端方奏對稱

授磁州牧余時爲邯鄲令同官交好知其生平最悉聞

無至性海山也大得奇才翻瀾沸湧隨聲出散骨冰霜
鍊句來竊喜故人還有子」編渠白爲渠問嘗自謂生

平時文不如古文古

文不如詩詩不如入

袁鈞曰萬承勲爲言子言知五河縣以罪論死時陝西
方閑贖例承勲狂走數千里徧告諸父友號泣稱貪得
以贖免方奉父歸里而向所上金爲吏胥匿去三千官
中移咨追捕承勲計無所出將自承勲金罪代父死有
陳坊者挾承勲行望門求援嵒山徐乾學素重言爲代
翰其半諸父友復據金城之家素貧授徒以養常苦吟
母憂之故有戚容嚴吟者數載父母相繼歿見父遺書
輒哭母所種樹值花時輒哭里中稱孝子知應州以慈
惠稱值河決水及城下日登城督視勞倦感疾暴卒

道旁見紫藤花感故大司寇徐健菴先生舊恩涕淚成

詩

道旁紫藤花開落何關事凝眸再三看淚湧如泉水憶昔弱
冠時走謁徐夫子遇我非衆人館我春園裏中有紫藤花爛
漫鬪紅紫年少寡愁煩對花輒歡喜未幾家禍生乞食頻吳

而夫子予千金救我一家死自知無能爲指天聊自矢願將此後身備書共驅使纔解晏嬰驂忽傳尼父謫宿草病年年未酌一片紙不期見雨花今日乃於此爾聞有定期我行無定止上有雙病親動適千萬里負米尙未能何況報知己

陳卜年憐我病軀被難獨行四千里扶掖至京方將竝

詣西安爲納橐計而卜年病作勉勸先歸

煩君歸日過吾廬顏色還應分外舒病父龍鍾親啟戶慈幃鶴髮候開書是誰早晚供升斗代我時常慰起居春意卽今寒谷轉豈無歡會到庭除

方啟英

字遇春一字持千號獮山義烏人著東園集蜀山前後集絳雪詞古今詩塵一班錄

桑調元傳畧曰君世籍義烏母樓氏苦節撫孤君勝攜采隨羣兒入山棘刺病赤痏斑炳然虎至衆皆駭奔君屹立不動盼視虎晴光相射虎卽帖尾去弱冠就南四十始爲詩報工君以營母養學躋得神解其術奇驗著

憲廟

一班錄爲人抱質幹而篤於義章邑何大尹棻素未識面詣君曰吾去鄉萬里母老以失職負帑若干勿克歸奈何君爲惻然者久之卽出貲并稱貸以完所負酬君侍妹及玩器正色却之聲名動上下蓋一代豪士也

詔不次

捨擢山東撫臣及臬司知其人欲以名聞君復以母老力辭乃例授州同所著書多藏於家子昂爲名

諸生世

其家學

桑調元歷城三詩人序略曰方氏強年始爲詩聲高亮脫去塵科殊含少陵風骨而僑瘦動莊易之吟時覺蒼涼側耳三詩人朱令昭次公劉伍寬蒲若與方敢英遇春遇春自金華僑薄歷城益參一浙才爲齊三士沈廷芳獅山集叙畧曰獅山蓋余所甄歷城三詩人之一君有義行而隱於醫余初視漕任城得其名及觀察左海尤耳熟焉及傳泉濟上時君已下世不獲見其人爲慨焉太息故取其詩之尤者百篇刻之君籍本金華與予復自有鄉里之雅故遺其詩尤不禁企其人云

游龍洞

神龍挾雷雨變化寧有窮陰沈蟄潭洞吐氣凌高穹遊者跡蘚入螺旋躡崧龍余亦拄藤杖卓險盤幽宮三山陟歷蹇一

徑紆廻通窅冥青嶂裏欹側萬壑松摩挲得古碣緣源與初
終咸能攝旱魃詣乃來元豐焉有席勝賞而忘濟世功歸與
不覺晏樹灼秋煙紅

中都謂別諸同好

荒却故園春天涯寄此身江南留老客風雨送歸人白髮疎
慚櫛青袍暗惹塵平生甘淡泊原憲豈辭貧

作客逢賢主他鄉卽故鄉春風芳草綠秋雨菊花黃杖履還
多興闢山滯一方家園新釀熟應待老夫嘗

秋季送弟元輔南歸

有才無命不如閒空向天涯數往還千里闢山鴻爪外十年
踪跡馬蹄間黃花絳葉遲秋色冷雨疎風慘客顏自此歸家
尋舊業不教猿鶴笑人頑

都門書懷

旅食都門強自寬何須苦勸始加餐
新交只說嵇生懶舊雨深知范叔寒
已許藥籠收馬勃不教饑口累猪肝
行廚縱道無他物未歎黃蠶一味酸

王宇清

字天一號東塘又號西岫山人浦江人雍正己酉拔貢生官靈石知縣著北遊錄觀光錄學製錄歸

田錄匱藏編自鏡湖載

載殿海曰先外祖歷知河津芮城趙城靈石諸縣所至有政績士民懷之晚歸林下詩草外別無長物

夏日卽事

衙柳青青日正長清閒官舍類禪房詎憐枝上黃鸝語恰喜
階前白芷香拂案有琴聊免俗撓籬無鶴恐分糧午堂退食
吟成句雲護槐陰過短牆

王炳

字虎文一字龜夫鄖縣監生著咄咄吟

感懷

長年不出門因有田數畝努力事耕耘食力計長久飽從辛苦來樂自太平有秋賽報年豐官租辦數斗有餘不易錢閒日多釀酒親友偶相過便列蔬與韭將此田間物會此田間友

暮雨登樓

長天漠漠溼雲浮一半韶華已過頭深院簫吹清夜雨惜春人倚杏花樓眼前何地堪埋恨湖上誰家喚莫愁記得管弦成爛醉去年今日在揚州

書懷

采毫素紙漫塗鴉才拙常慙手八叉字縱老蒼無定格詩雖清苦不成家連宵枕上愁聽雨二月街頭喜賣花顏色已傷

同老婦逢人不復鬪鉛華

送袁近齋赴都候補

江上高吟送別詩
山花灼灼柳絲絲
君行會有榮歸日
我老應無再見時
身後事惟良友託
眼前愁豈外人知
春風如睹湘梅發
驛使頻煩寄一枝

張元彪

字肇炳號虎文

永嘉人

雍正己酉拔貢

溫州府志元彪自幼器宇凝重學議宏深父式雷索多

病及令海康順道迎養尋以親老乞歸迨父沒日夜啼

泣致成膈症其抵官也於城外飲陸公泉賦詩以勵志
在任多惠政丁巳秋颶風爲災海堤壞乞命者不下萬
人元彪請發倉以賑府不可因奮曰必報可而後賑則
民轉溝壑矣專擅之咎某自任之不以累公也遂散

中丞嘉之元彪工古文

詞兼善草書著有家鑑

歲暮寄懷俟夷門

歲暮羣芳歇清瘦寒潭月潭月照孤影含情念離別
驛驅傷

踢踏驚馬行超忽淚滴黃金臺金盡淚成血我折嶺頭梅君
踏燕山雪兩地正相思相思渺難越

宿楊溪寺寄懷嘉定陸葦軒

適耳惟天籟妙言無古今泠泠吟風鐸交交語春禽殘夢忽
已覺臨流一披襟松老無佞骨花飛無住心濯纓雪竇寒晞
髮雲巖陰違世機事淺從我道味深故人在天末短髮不勝
簪旣幸綱羅脫旋憂瘴癘侵

次日午飯山坳小寺

刺水秧鍼綠滿田山坳小寺石橋邊蒸花已熟坡翁飽春草
初生謝客眠酷暑羊腸愁粵路秋風鳴嘴憶吳船何當去議
餐松法黃石家傳信是仙

同王穀原遊江心寺歸飲池上樓次韻

窮海休嗟旅鬢殘華芳重上謝公灘潮移塔影雙龍動霜度
鐘聲十月寒斲盡春工江樹老照空塵網佛燈闌等閒借放

乾坤眼赤縣都浮水一團

嚴啟煜

字玖林號蓼灘歸安歲貢生官永康訓導著竹香山房詩集

沈德潛曰玖林嘗言昌黎昌谷雖非詩之極至然誠死
庸熟摩挲之功真乃比於武事又言二昌乃吾死友今
披其集皆和平中正無詰屈奇謠之習豈善學者不求形似耶

畱別吳門諸子

背花寧待管絃終歸臥雲林半畝宮世外漁樵有真趣山間
鷄犬盡淳風采松袖染秋岑碧擣藥窗畱夜火紅他日皋橋
明月裏故人應共念梁鴻

汪紹焜

字熾南一字鶴梓秀水貢生官行人司行人署金匱吟藁

水亭獨坐

地近園林新結廬梅花招我步徐徐非求不得始安分無事
可爲惟讀書閒喚小童調白鳥少留餘粒啖紅魚興酣長嘯
忘歸晚松竹蕭蕭月影疎

農家

孤郵一望樹扶疎樹裏蕭然見草廬花瓣春秋無用歷家惟
乘船不須書兒行罷上驅黃犧船放溪邊捉白魚試問風塵
行走客此中氣味竟何如

葉之洪

字右水號待堂平湖監生著寒碧山齋詩集

翁嵩年曰讀待堂古體詩如蒼松翠柏堅勁可

發而又工於咏物近體諸詩無一不盡其妙

陳焯曰待堂與弟笠亭皆以詩名所著寒碧山齋詩集

陸太史金勲爲序太史南還感舊云五字唐音妙入神

三升酒見天眞江南何處無芳草絕憶風流鏡閣人爲待堂作也

錢仁菴曰待堂少負異才從陸閻學秦濤與孫眉光沈

季友輩有蘇門四學士之目陸載崑崙洛如詩社皆其

弟之落
與焉

陸坡星之豫章用康樂體畱別和答

送子遊章江秋氣正蕭爽人向玉山行舟自蘭谿上豈無鷗
羣念未斷停雲想子去興自往何以慰吾黨

登蓮花峯絕頂作

攜得驚人句來登最上峯層層削紫玉步步瞰奇松人在蓮
花瓣雲穿佛面筇山中竹名佛面可爲杖青天祇尺五何處問仙蹤

葉之落

字笠亭平湖諸生著小石林詩稟

錢仁策曰笠亭少與兄之淇齊名學使李清植以人品
端方薦雍正乙卯舉博學鴻詞省試被放士林惜之著
小石林詩古文長短句小石林文外列國考年號考廣輿摘韻

孤雲

碧空流片影獨立意俱閒偶爾風吹斷相將鶴馭還林中一

聲磬天外數重山便有懷人處斜陽早閉關

帆影

落霞兼暮鳥歷歷送連檣十幅亂江水千山餘夕陽乍飛高
樹杪旋臥畫樓旁便擬收帆處朦朧月色黃

新鶯

客睡何曾到五更江南處處早聞鶯陰晴天氣將三月楊柳
東風第一聲無力交飛剛出谷多情小立正含櫻嚮尊未許
幽人聽贏得遼西遠夢驚

新柳

誰家少婦正凝粧忽見東風翦綠楊舊恨未消千里別新愁
又弄一分黃爭誇有眼能窺宋漫道如眉欲畫張莫待風流
顏色減滿天飛絮斷人腸

曹庭棟

字六圓號慈山居士嘉善諸生落蓮鵠亭詩集

梧門詩話吳孟舉刻宋詩百家鈔近日嘉善曹六圃序
仲復有百家詩存之刻余亦從四庫全書中鈔宋人詩
石餘家皆益復六圃所未見者六圃著往窪亭詩大以

北宋人過趙州橋六
月更春雨連朝小巷
永賣花聲逐賣魚聲
梅花渡芳草亂啼鶯
高臥低吟行小舟易
地聽春雨寒聲一枝
特角橫飛飛得農別
墅云一生心事只烟
蘿石疏泉小結窩鵠
去不還梅亦老綠涼坡
下草痕多六園居東
園有佛阜鍵戶著書
三十年所坐木榻穿
復補又於城北門外里
許築生瘡旁架屋頽
曰永宇塗

莊總臘梅成朴黃淳有句云
臘梅破曉寒窗對此多亦是紀實
龍閣詩話嘉善曹六圖少宰夢懷之孫隱居不仕自號
慈山居士自爲壽藏不下樓者二十年著作甚富余愛
其晚年佳句如廢書祇覺心無著少飲從教睡亦清病
敎揖讓虛文減老覺婆娑古意多詩真豈在分唐宋謠
人生平苦心被君一語道破屢招余往而竟不遂其願

十卒
五巴
矣八

田六、劉中平後絕。竟進取壯門著書時或憚疾

河東先生集卷十九

七

爲山環植花木奉母以娛名曰慈山因自號爲慈山居士著有易準孝經通釋選言禮通考琴學內外篇宋百家詩存集

鶴亭詩集

孟勤入都口占贈行兼示焜姪

阿咸兩城隔音塵客裏逢君應倍親若問老懷近何似一春常作送行人

張安絃字琴父號青嶼

烏

宋文藻曰謹案張安絳所著青嶼集存本未刻經浙江中丞採進總錄舉其集中送燕一詩謂安紘授徒以老其自傷無家亦可悲矣恭聞欽定四庫全書別集存目稱其文以才氣勝而喜事塗澤詩則音節疎放未

能磨礪圭角

送燕

節屆秋分社事忙送君前路入蒼茫年年不作無家別半在他鄉半故鄉

徐毅生

字公衡號鶴友鳥程人
著雪水賦集白適草

諸錦日島程南洋有三十大

吳漢皆分港所名也諸漢宋漢新浦漢錢漢

漢上東鶴友所居乃宋漢也

不忍遽言別知君鄉恩深從茲一分手何處覓知音離恨滿

船月歸程萬里心成都有美酒未必過南樽

姚世鈞

字炳衡號安布衣德至

次子世鉉弟著浮湘集

宋文藻曰姚炳衡爲吳興

蕙田先生之弟有才早折驚

田因取大蘇夜雨傷神之句乞宣城

沈廷瑞鷗崖製爲

夜雨圖索知交題咏以寫其悽愴之思

丁敬龍湖詩云

雙蘿玉樹幾經春不待他時已滄神

現北奇書空好在

琅玕清夜絕同聲

斷雁隨風遞語哀

阿兄淚眼鎖常開

池塘散夜蕭蕭雨小謝無山入夢來

鴻樊

潤詩云剛

風吹過玉成塵我亦披闌恨轉新

今夜西堂打雨聲難寄夜臺人兩家詩並見題圖墨蹟

南昌書懷

涉險頻驚上瀨船到來又早月初弦遙遙廬岳雲封樹嵒嵒
宮亭水拍天畫角聲沈荒驛雨子規啼破碧谿烟自從王粲
辭家後總少安心一夕眠

好鳥呼羣本一枝江湖短翼忽差池可堪孤枕聞雞後不是
聯牀聽雨時未墜詩書還易守將衰門戶轉難支偶過南浦
神魂曠無物能分遊子悲

姚世簡字象九號樸夫湖州府學生著稿汀詩鈔

茅屋

茅屋半山半水生涯一鉢一瓢睡起鶯啼綠樹歸來月滿魚

舶

層

庶字培之號蘇亭詩客一卷

層可播蘇亭詩略跋畧日府君自少與里中前輩應亭
萼亭諸先生講求聲律之學及壯歷游燕趙間不事雕

飾亦不自矜貴晚年始從舊篋故紙中親自檢閱得如千首署曰蘇亭詩畧又旅館秋懷詩三十首

己酉歲暮自青陽歸里

歲事催人到處忙國門相見幾星霜老妻喜踐三年約稚子
驚看五尺長斗酒乍開花露白盤飧仍咬菜根香祇愁未盡
獨憇御口天涯又一方

余

崑

字元平號高妙山人山陰諸生著清風草堂集兼蘇亭詩鈔

趙風山人性情如寒巖枯木詩自其人當其思入杳冥
逐登跡無畔町劉彥和云詩有桓裁思無定位若山人
哉耶

咏淚

江山不語看人多甚欲無情奈淚何不見英雄同首日漢王
擊筑楚王歌

揚州

烟花歌吹浩無邊回首揚州絕可憐小杜亾隋兩春夢曉風
無賴又今年

俞永思

字鵠岑，山陰人。著《鵠岑存鈔》。

流楚淮曰鵠岑集中讀十六國春秋小樂府似齊梁人
詩曰比翼亭三國小樂府轉見其古花神廟詩殊大雅
越俗六陵懷古得義山詠史神骨登小蓬萊眺海作有
王孟風味秋蟬吟萬秋竟在離鄉之間孝娥行一結尤
能傳出昔人心事

春日過花神廟偶題

往事崔闌且漫論褰幙舞那欲銷魂日斜簷影下虛壁時有
杏花風到門

秋蟬聲同吳九聰山

病羽含秋思長吟起莫愁風迴黃葉渡人倚夕陽懷策馬誰
來聽囊琴我自留因思玉谿句清韻共悠悠

同呂荇塘王綠庭家商喬繡山勦再自馬鞍坡登小蓬
菜眺海遂與獅厂如上人茶話

邀侶入翠微中途獨延佇耳畔松風喧時帶樵人語雲開見
海門隱隱辨沙輿飛仙渺不來相攜更誰許

竹塢人跡稀山僧尙知客遠攜茶具來共此林下席微風落
松子流雲漾谿石坐久自忘歸非爲塵襟釋

陳

梓

字脩恭又字古銘號一齋餘
經典府志梓少讀書有大志工書善詩詞隱居事親篤

甲辰舉孝廉方正辭不就居臨山聚徒講學以布衣終

老
兔亭詩話作詩須知鍊琢之法餘姚陳脩恭題夏荔山
云河濟江淮波浪息辛壬癸甲別離多周王廟云掃除
文武千年業成就春秋一部書范蠡祠云虧得王成西
子力負他金龜老臣身曹娥碑云捐軀少女隨嚴父題
背申郎謫外孫皆新警雅切

插花歌

廣陵俗尚瓶花有專爲富家主其役者歲得錢萬許

種花不如插花好種花人多插花少插花人巧奪天工百瓶
百樣無雷同豪家軒宇羅供養水晶玻瓈罍洗盞梅花蘭菊
松柏荷風光四季占不多要令邊徐折枝畫合欵成圖八窗
挂誰誇能事插花仙歲博青蚨幾萬錢我來借問插花者眼
中興廢知多寡去年堂上繁蕊紅今年冷落生秋風今年堂
上衆芳燦昨歲器空塵滿案人間榮瘁了無憑高岸爲谷谷
爲陵歲歲開花花不惡只恐插花瓶折脚

種菜

長鋤良可託膏雨沃根深慘淡斯民色艱難老圃心霜甜豚
減味土薄蠶休侵誰使英雄懶終年抱甕吟

黃石公祠

墮履偶來呼孺子幾回圯上故踟躕一椎不誤非奇士六籍
都灰有素書豈是神仙矜狡猶爲他劙項賴乘除功成辟穀
長揮手願與赤松遊豈虛

吳江阻風

颯颯丹楓岸荒荒白雁天一篙嘗逆浪看盡順風船

醉夫新闢小園奉柬

東嶺閒立數歸鴉林下清風晚興吟隔港載沙鋪石逕比鄰
乘雨送梅花藏書櫻散雲充棟洗研池寬月貫槎獨樂不嫌
朋舊數可容日日扣籬笆

鄒希文

字亦范號松巖餘姚歲貢生著亦吾廬詩草

姚江詩存西林鄧公以數十題博訪奇才異能鄒子一一應命首被激賞

越風亦范工文章善琴畫亭亭玉立贊居吳門曾爲子

寫中治試茗圖自題其上云憑將大落墨寫出小游仙

乾隆丙辰應制科余贈以詩何人豫稽迎門雪看
爾新銘克敵弓用周必大洪景伯應鴻博科事
孫度曰先生晚居吳下愛潔成癖詩
其之外焚香鼓琴有倪高士風致

涉江

盡攬長江勝全憑一葉舟龍衡初落景雁帶已涼秋世路原
非險吾生自歎浮滔滔千萬里赴海總東流

秋雨

枕上聞疎雨猶疑墮葉聲離離殘夢盡點點暮愁生暑簟乘
還戀寒衣裁未成年年感搖落蟋蟀莫先鳴

秦淮水闌

嫩金宮柳好柄鴉絲雨無聲濕杏花十二闌前春似水秦娘
船到正琵琶

四月八日梅溪招遊靈巖漫成

肩輿驛入翠微中一線羊腸起伏通塔遠影搖三面雨鐘疎
響逗半巖風墳間期是沙陀戒天上辰開兜率宮好詣琴臺
高處望五湖無恙伯圖空

張有潤

聖澤一號安劣老人金華諸生著安劣漸小集

雜興

密竹浮朝暾稍稍弄圓影匹鳥鳴相隨及此幽居靜旦起步
階除務閒覺晝永芽茗芽雨前輒轄汲修綆坐久枕衣眠白
雲山半嶺

夜來霖雨滴萬綠淵南原園公蘞遠蕪引鋤候泉源徑草測
餘碧生意紛然蕃寂木嘯孤葉隔墅風來喧意惄本非有理
析了何言

潛鱗戲澄泉興到時一躍山人老住山忘却山中樂物性本

自然人亦各有託久乃與之俱妙處曠莫索昨歎故人書踐
我石泉約呼童掃前軒候諸天一各

橋東石硧硧下有寒泉流綠樹暗清浦孤邨居上頭時見有
遊人飄飄泊扁舟濯足石墮淵褰衣風滿樓日昃曠忘歸驚
起雙眠鷗鷗飛窗不極片月懸如釣

金華竹枝詞

花布衫裙高髻裹踏青時節女兒忙溪頭十五羣同顧說采
蓮花不采桑

盛杯老酒妙於鮮漫說金華斗十千社鼓琴瑟家釀熟沙糖
水賺杖頭錢

築溪頭闢竹闌千茉莉花開雨不乾一夜東風香撲鼻隔簾
人喚買珠蘭

許

焞

字醇夫號慕迂海寧人汝霖孫雍正癸卯進士官編修著學稼軒集

命往

官編修時會直隸大水卒保定督賑駐雄縣數月活飢民二萬餘戶邑士能文者未謁因材教之供德僕遺悉爲屏絕嘗作詩云問字有

人攜簡策款門無吏納也直蓋

紀資也旋以母病乞歸遂不出

送倪南琛師孟

乞假歸養

青瑣客綵衣真覺勝朝衫

翁運標

字雋上號蓼野餘姚人雍正癸卯進士由桐柏知縣歷道州知州

妣江詩存先生性至孝以父客楚不歸時方弱齡感慕無已及成進士卽與兄運榜徒步往尋歷數寒暑竟得

所葬

金陵晤王孟亭太守

四十專城早立勲。投簪歸去謝塵氛。喚回梁苑繁臺夢。許結
閒鷗野鹿羣。崔掞虬鬚人未老。孫登鸞嘯我先聞。藩車小市
成前度。何處重逢左阿君。

何玉梁

字韋江號樟亭錢唐人而雲子雍正癸卯進士官編修著賢鑑堂詩集

蔣溥墓誌銘

畧曰君爲主政會園先生季子童時卽有

翁文之舉

與兄瑾栗同以詩受知于西河毛先生有何

氏二童子詩序載西河文集康熙甲午舉子鄉雍正癸

卯成進士改庶吉士明年甲辰充北閣鄉試同考官散

館授編修預修

大清一統志丙午秋又充鄉試同考官保舉御史方列薦

贈開母病耗遂告終養歸掌教紫陽書院君精舉子

業揣摹家得一言指示昭若發蒙羣奉爲圭臬焉

送呂友荀歸蕙江

草草送君憶去年。去年握手別小寒。天今年又送渡江去。二月
新鶯楊柳煙。

陸汝欽

字恪庭平湖人雍正甲辰進士官湖
濱知縣改溫州教授著澹兮吟稿

錢仁榮曰恪庭令湘潭以清操自厲及教授溫州兼主東山書院郡邑士咸樂育焉憂歸需次家益貧饔飧或不繼而杜門吟誦不輟也

錦石卽事

岡陵互綿亘水田更參錯遠火出林梢新月映冰萼筭輿度
陌阡僕夫愁彳亍茅簷東復西星散少聯屬溪橋水涓涓路
轉見墟落棟宇頗櫛比聊可息行躅山居枕江流篙聲斷還
續穀賤喜年豐風淳陋俗薄肱篋尙時聞有覩司民牧

夏兆豐

字大田會稽人

越風大田詩名與丁廣文芝田相埒同居題扇橋之旁
柴兼山所云巷北惟一柳橋東有二田者指此也鄉薦
後屢困公車賚志以沒遺詩甚少有溪魚小躍驚山影
沙鳥低飛避檣聲一聯膾炙人口

河渚吟

我作河渚吟遙情滿河渚扁舟蕩漾隨素波驚起飛鳧暗中

語春山窈窕碧黛橫蛾眉始拂玉鏡清一溪宛轉入雲去千
巖萬壑松風聲晚向橫塘刺船入桑麻斷處開原隰島嶼陰
陰雨氣寒衣袖濛濛露華溼正是春城三月時芳草落英輕
點雪樹頭黃鳥紛可聽坐對青山不忍別記得田廬在水西
此間卜築宜幽栖他時父老重來訪莫遣仙源處處迷

胡師亮

字仲宰餘姚人雍正甲辰舉人官內閣中書

金山寺

再宿裴公洞悲風入夜號月痕寒老樹山力敵飛濤衣薄層
雲冷天空一雁高更深船不渡蘆荻白蕭騷

戚振鷺

字我雓號晴川德清人雍正庚戌進士官江西撫州知府著晴川詩鈔

何元錫曰晴川由青陽縣令官撫州守以事戊寅臺期滿故歸居官清峻絕塵穠以循績報最而性嗜吟咏味燕寢娛香饒有韋蕤州風味詩亦蕭疏相似寒笳一集作子戊所絕無噍殺之音可以見其格韻矣

寺夜次西椒韻

竹樹陰森梵宇清自添柏子爇殘更瓦溝落月印孤榻檐隙
射風吹短檠帆影颺竿時自轉山鼯窺客動還驚香林寂寂
迢迢夜咿喔荒雞乍一聲

園蔬次樣園韻

小山東畔草堂西
蔬圃勻勻翠甲齊
風雨吟邊分早韭
酸鹹味外試寒虀
閉門事業烟三逕
抱甕生涯水一畦
蕉萃十年空浪跡
故園荒盡不成蹊

元夕次中丞韻

丁卯
醉春
遙望西廬烟
火元明如畫
易成海
淀南頭燈作市
上林西畔火爲城
癸酉上元
寓居南海

餘齋寄寓僧房庭隙牆陰徧插楊柳額其前楹曰種柳
處紀之以詩爲和三絕句

獨布琉璃坐碧城傳來好句似陰鏗生憎灞水橋邊樹只向
關河管送迎奸惡攔截也吟賞莫向關河管送迎餘齋自題句也

老去愁懷水不如忘情真笑白尙書崔琴駱馬渾閒事剩有
楊枝忍放渠

白下啼烏翻夕照紅橋細雨颺烟絲繭成無限鄉關思盡在
攀條不語時

圍火

甕廬雜眠坐地火夜深紅煖氣通毛髮朱顏借老翁附炎同
熟客得過學寒蟲軟語殘更裏嘲樂是轉蓬

許道基字勣宗號竹人又號菴齋海寧人雍正庚戌進士歷官戶部郎中廣西學政著春隱吟冬隱吟粵吟

麻至

吟
隨園詩話：許竹人侍御題路上去思碑云：君看去思官道石深鐫鷄不到人心足補白太傅咏碑之所未及。

發沙河至邯鄲

叢臺南去溢河涯。轍跡依然感歲華。鴉曳歸雲籠澹日。葉銜餘雪點平沙。聰明碣泐慕陳薦。紫氣原荒弔趙奢。猶恨星昭催短景。一亭香韻失梅花。梅花亭勿徑過

邯鄲蚤行漫成

病餘貪朝睡。不知紅日高頗怪。十日來獨醒。常先朝。敢云魔退舍。良以身習勞。昨夜星斗落。鷄鳴聲膠膠。客心惺然覺。我僕局其寮自樂鄉。黑甜不愛游。逍遙我生半。行役陳跡踏。趙郊昔往楊柳依。今來雨雪驕。簡書豈忘畏衡尺。況累邀寒有。春在芻。暗有月在宵。倦有氣在骨。夢有神在膽。敬慎踰嶮巇。

忠信盟波濤萬里寸心矢百年一日要矧伊平旦頃轉令昏
惰撓我僕莫辭瘁出門駕星輶不見文章宿爛然炳南交

西平鹽

西平鹽遂平鹽誰司轉運淮南兼淮南鹽貴砂土雜竭錢買
土寧淡食羅灣水淺淺如無羅灣以北食長蘆長蘆價色民
稱便計程百里越一縣悍民抉破丸泥封愚民趨利如蟻從
相載制梃橫白日奸吏受賄官不詰往來歲月莫誰何奪及
婦女驅牛羸罪貫旣盈上官怒草薙禽獮悉力捕法在不貲
僥無辭初時嘯聚鹽之故巨梟雖去竊負紛陳陳滯引煩處
分榷司也識西遂苦特假一郡蔽全楚恐蘆鹽過汝私販滋蔓淮鹽蘆

十六日晚發

欲明未明首征途村徑曲窄疑有無蟾蜍畱白遲金烏須臾
赤現海上珠岸柳條綠岸草枯山腰滄滄朝雲敷項光欲突
青模糊恰如金核承晶孟總成一幘浮雲圖行人穿樹入雲
去豁然雲路闊雲車

驚得右樹凶問慘戚填膺恐父驚傷飲泣而已雜述不

復成吟

百日無家書殷憂事非吉百日前有書已非病者筆長者寬
遠懷微言道汝疾目瘠則甚矣而精氣不失強飯扶其羸良
醫效厥術余顧日旁皇琉璃本脆質况非風雨侵苦吟心嘔
出亦有危而安天意憐百一降才旣特殊忌才寧忍必危倖
併一心夢寐往來密盼得平安紙滿堂歡喜溢今朝鴉鳥鳴
嗚呼生事畢

望書眼欲破拆書手欲爭把書心忽亂隔書字忽明書汝婦
翁筆令弟字前橫草草無寒暄倉卒具以形揮手急屏置忍
淚雨四傾豈不究歿日歿日徒自驚老親中庭立念遠心懸
旌病訊百計匱矧可聞哭聲遠心方飾貌哀抑喜且盈趨言
夢弟至所患行已平

高陽有文史遠近咸指目及觀逢時具往往多模屬吾弟辨
及之唯唯意未足驚人豈驚奇博奧三古讀經練軋仙機幅
漢轉暢較十三學駢儻武庫仗無獨集左氏類對
工倍宋賦十四爲詞
詩楚騷命奴僕借韻詩話以
弟喜讀騷裁縫到淵明集陶四十律
章句天成斧鑿
滅昌谷病昌谷苗軌故造境幽奇出以夷適方其孤詣時難易與天觸情乎驅
思迷若然义手速風前長短吟倚拍自成曲學書不屑意恍
步米家躅覽衣雅善騎探丸中鳥目多藝衆所矜逸才兼擅

夙本事舉業文沉澣鮮蘭菊澆灌彌醇腴咨賞均文俗大小
三四試新硎無一血世貴明堂珍天種崑山玉自古誠有之
誰謂此非福

平樂試院古榕步大人韻

不是槐安郡濃陰密雨堂枝橫低翠羽門掩澀銀簧曉破庭
中暗炎侵葉底涼不材聊見用文杏已全荒

遷江道中

暮雲作山形正與暮山接微有白青痕渾連高下躡此中定
清寒步虛容蹀蹀伊余踰南蛇炙日背汗浹忽過清水江宛
轉橫一葉板穿船頭驚磯震馬尾暉四野大氣蒸急雨征衷
裏鬱曬怒益騎酸臂未止策半焦苗果果欲墮焉跔跔吁嗟
一日事形神豈相攝游目此雲山如夢得寧貼行近路忽分

山城閼雉堞方丈蓬萊耶舟至風引輒

貞烈卜夫人墓

在陸川縣萬丈坡明知縣瓊山張子翼之妻于崇禎年間殉城陷賊隆慶登碑集民

守樂城陷罵賊陞樓死邑人立廟祀之

萬丈坡高去天尺一縷寒光出坡脊訴天天泣回悲風散作霞丹沉血碧吁嗟妻道臣道同可憐妻烈死臣忠三年寒宦勞于役一日孤城代有終何處妖氛突封冢烽入重閨拔劍起登陴酒淚集遺民墜閣畱骸待夫子瓊海茫茫渺故園聊憑螺髻駐魚軒纏旗莫廻千秋恨星落軍前五丈原

武昌漢陽詠古

橫槊臨江滴酒卮龍吟虎嘯魏家詩灰飛牋湧寒江月板拍眉山絕妙詞

黃鶴一去不復返鸚鵡能言死亦輕千載鳳凰山下客關前

日日聽雞鳴

雜詠

抱閣凌虛迴畫圖翠螺清漾玉盤孟等閒莫作巫山看送盡
春風不怕孤小孤山

青山綠水風月主苦竹黃蘆淪落人峯下草堂江上曲不知
歌泣竟誰真香爐峯

發燕子磯

煙浦藏舟對畫橋禁持別淚話殘宵徐子硯亭過訪共宿曉風忽借春
帆力啼鳥一聲過六朝

過儀徵追和繕部叔祖鑾江感舊韻

護軀漫說衣龍油放纜長江兀未收瓜步古衝南北路金陵
昨過帝王州空聞寶劍沉胥浦愁見黃鸝上戍樓勝事可憐

觴詠處當年已是未同遊

繕部於邑署起觴詠堂
余王子歸舟臥病徑過

春申故封

黃公嶺下古專城千里雄都寵巨卿四子爭豪移楚祚三千
養士失朱英君山翠遠遊人集中浦春深野老耕可待過墟
生太息當時桑海本無情

孫

灝

字載黃號虛船錢塘縣人雍正庚戌進士由翰林

歷官通政使司通政使前都察院左副都御史著

道鹽

齋集

陳鴻壽曰余交先生從予同寶道八歷任中外每隨分
自盡不立異沽名而沽注精審居臺中時多所建白有
見諸施行者如等裕鼓鑄整肅官方矜撫濡厭酌減租
戶租糧等疏嘗以清慎勤三字自矢而清尤表著於朝
當楚藩落職及學差任滿回京幾至不能束裝行道之
人皆知之平居無他嗜好退食之餘惟坐誦行吟以自
怡悅篤笥所存獨富於詩其得之屬車豹尾間者有
出塞後塵等集若平日所作有道鹽齋藁數十卷
咏撲滿

西京雜記鄒長清遺公孫宏撲滿一枚因寓書示戒
曰撲滿者以土爲器以蓄錢具有入竅而無出竅滿
則撲之土麤物也錢重貨也入而不出積而不散故
撲之士有聚斂而不能散者將有撲滿之敗而可不
戒與云云唐姚元崇有撲滿賦

有物工斂財厥功利搏土名卑貪夫愛賈陋良治侮守口深
難窺吸箕仰有取六州鑄錢愚一竅穴金鴟形模偃鼠微脣
腹怒蛙鼓幣納周景千瓶投漢銖五情聯方兒親算用姪女
數挂杖看阮孚繞牀詫夷甫滿籯笑遺經長袖比善賈豈意
欹器危不堪墮餽撫唾壺缺一朝玉斗碎終古混沌鑿忽開
膨脹脹何苦速刪錢神論大戒皿蟲蠶盛滿厲所階脂膏怨
之府苟懷焚身防或較噬臍愈東閣平津侯西京媚臣祖故

人託諷規忠告敢傾吐布被飾清聲金門踐華廡名兒輩
儒發跡羊豕伍撲滿何心哉寓言不無補

王子監試豫闈卽事

三歲賢書達

帝畿中天奎璧日騰輝蓬瀛

特遣詞臣出珠網珊瑚照省闈

森沈棘院鎖重重爽墻初更瑞氣濃鼓吹聲中聽吏唱萬人

鵠立最雍容

貢院上年改建適新落成

送周春圃之甘州

金明池上春草青梁園昔夢如流星江邊握手思樟亭剗溪
夜雪君揚舲南船北馬竟不停年年書劍其飄零坐閱晦朔
翻培冀與君聚散兩萍萍天涯相見誰所令翩然佳客來寒

廳舊雨廉纖撲疎櫺短檠重翦燈青熒友生風義等鶴鳩古
處直欲師先型春風惱客花冥冥陽關四聲不可聽馬櫪蕭
蕭指邊庭大馮使君才發硎幕府辟書苦丁寧居延絕塞雄
垣屏弱水導源禹跡經焉支山色如姍姍紅鹽飛雪堆瓏玲
我遊三輔探巖局惜哉但涉渭與涇朝那西望無修翎壯君
萬里身伶俜狹收眼界成焦螟

送王錫栗臣之聞喜四首

自汝遊京國人傳宅相名冰寒休似舅珠朗見吾錫茶銚清
談夕書帷雜誦聲無端揮手別惆悵渭陽情

四門新入坐六籍舊爲儒太學何蕃首諸生賈誼殊金臺騰
上驅花縣傍仙冕却負緇衣好憐才一大夫大司成陸公冕
川少銀臺陳公

每山皆招致賓館以晉遊不果

冰泮桑乾路單車幾驛過冷陘燕鎖鑰故絳晉山河

聞喜今隸絳州

草覆湖闊址雲連涑水波王郎才磊落懷古意云何

此去膠投漆吾知地主賢門牆森玉樹篋笥檢芸編照影雙
檠對隨身一硯穿白頭思大父雁字幾行傳

汴城開渠浚壕紀事

并序

汴城周袤二十里烟井萬家又四方商賈百貨之所
填溢而城中向無水道每積潦沮洳道不可行居者
苦之環城之壕半就堙塞水之導而下者復無所宅
歲在癸丑今大總制王公周圍相度謂宜開渠浚壕
利我汴人爲上其狀於

朝許之於是萬夫騰歡畚掘雲集不數月而成公旣
勒諸石予從襄事之後賦詩一篇恭紀我

皇上保惠黎元之

聖心洎公愛民之績告於汴人且以申汴人之恩焉

汴水源出大周山京索須鄭來赴之東流一支別爲蔡古之漕運千帆移趙宋故都河穿郭水門上下流瀨瀨至元以來就堙塞鴻溝蒗蕩車轂馳灌城賊証自明季沙壅土積高累纍大梁城中十萬戶四達之衢九達達千輪蹄走百賈集魚鱗萬瓦紛參差泥中積潦苦漫漶水無歸宿將安支環城墅壕久淤澱空有其號無其施黔南公來急民事大召僚吏告有司此而不圖困士處具爾畚掘宜毋遲譬如人身有脈絡血氣隔閡四體虧溢者欲疏淤欲濬上奏

天子條其宜

九重恩沛

詔曰可吾

皇保赤垂洪慈城中之渠利用鑿涓滴入地曲折隨十三橋
乃覆其上千四百丈長有奇四門掘壕數且倍衆流輸寫奔
奇陂匪惟導水水有宅兼豐物產饒生滋紅菜綠芰雜蒲葦
魚鯀螺蛤隨取資其旁植以萬條柳其下拂拂風徐吹汴人
額手拜且舞遂告訖事書之碑我聞水利首六府火金木土
穀兼治以溝蕩水瀦蓄水町防規偃王政遺魏有史起善用
水前召後杜人俱思河渠溝洫古所志師古不泥宜權時汴
蔡故道那可復漕運四渠亦奚爲但令去患收所利疏鑿最
是關蒼黎金水之河到城下浚溝彷彿迴淪漪節宣竟使水
歸壑登陴曠望心神怡從茲作息戴

高厚歌詠

聖澤流聲詩

奉和董浦冬日遊光孝寺原韻

軟紅落衣襟脂車日轉輶清夢庾嶺梅故人海天闊打門尺
素書驚喜出房闌新詩纔到口秀韻欲侵骨陳侯耽覓句論
交蛩負歷把君五字吟示我剡藤滑蕉花荔子鄉六榕誰所
菱廣苑訪詞林王閑舊禪窟羣賢得領袖一身雜仙佛言尋
贊公房清池帶林樾泠泠枯木音幽幽妙香撥冰炭忽入腸
寒颺幅毛髮惝恍境難留徘徊情未竭雙墮蓮花臺天寶年
可核鐵色苔蘚深字形圭角刷金紫中涓貴姓名幾殘闕可
憐僞漢銀失險嶧山屹蓋海鼓洪濤游魚尙濡沫金像俄銷
沈昌華久蕪沒空餘六州鐵千秋壽頑碣寶界頂初高降王
膝終屈悲風墮鈴語低眉佛不曰我昨凌扶胥揚船片帆歇

木棉紅正然珠江綠仍駛地闢南朝寺天剝古時月安得范
子遊壇影風旆拂

陸峻

字際唐海寧人昌高姪仁和籍雍正庚戌進士官竹溪知縣

目疾平復次杭堇浦韻

清虛却礙片雲遮鍼石難除半點瑕不信交光迷正色直教
幻影亂空花吹噓大氣涵神水磨盪元精受月華我亦靜參
龍木論方懸肘後未應差

林玉藻

字玉田號秋佳海寧人雍正壬子舉人壬申年七十二賜國子監學正

題周了閒寒山白雲圖

昔人作詩如作畫停車盡日楓林下君今作畫如作詩白雲
相看無盡時白雲還山日日晚蒼煙一抹詩情遠結廬只在
此山中安得蕭閒如乃公

沈廷薦

字尚友一字上猷號澄懷海寧人翼機子雍正壬子舉人著見山堂詩草

水仙花

瑤華愁絕寄山根
霧鬢風鬟帶雨痕
彈遍湘絃波月冷
暗香低引玉梅魂

張南英

字北學一字渠西平陽人雍正癸丑進士官襄安清平知縣著中亭集

荊州

漢艦湘帆路幾千
朗江川色接蠻天
神巫歌曲傳司馬
客嶺風烟送謫仙
水暖溪魚多布陣
春深山蕨早擎拳
城南猶記裴公井
到此何人飲勺泉

陸嘉穎

字大田號恂齋仁和人雍正癸丑進士官至詹事府左中允著恂齋詩集六卷文集八卷

黃楨曰恂齋先生祖諱培文章孝義冠一時學者稱楨霞先生父諱豐字杜南經義號鉅手先生少承家學根柢深厚能詩古文癸丑成進士出桐城方先生望溪之門經學著述必與商榷而後定嘗論周官精義手書多

至數十反每語任香谷曰文未經陸某見余心猶覺未安也其推重如此與弟秩俱有聲詞垣晚年名譽尤尊出其門者皆時瑜亮

太學觀石鼓歌

何年天鼓鳴齧齧大星盡質邠岐原光景墮地化爲石五五
綴合錞子圓橢圓不須四足安考擊猶可空中懸有盈欲貫
孔未刻無柄可持搖亦難旣非啟勢轡人曷豈有掌鼓蹠師
專神物聚會定有用十鼓羅列紛團樂姬宗中興粵若宣內
修外攘王路平南平淮夷北獮狁壯猷方召名聯翩明堂朝
賀燕天子展也大成非虛言大蒐岐陽講武事日維丙申忘
歲年左驂旛旛右驂驂秀弓簇簇射獫羆汚汙汗緊被淖淵
或陰或陽徒御掀其魚維何礪礪鮮鯁鈔鯉鱗鱗鱗之
楊柳舟流連雜以麌鹿雉兔間員員獵獵宮車旋君子永寧

無後艱命尹吉甫作頌傳詩成再拜鋪九筵文竒語奧饑二
雅吳太史籀書之丹良工鏤刻體變蚪騰蛟躍龍翥孔鸞號
曰獵碣配九鼎卜年卜世東西瀍陳倉獲石雄雉斑其聲殷
殷光燭天地一卷授黃石夔門八陣陳散闕石文大討曹
已滅涼州五石唐未利此鼓歷年千五百無人收拾埋櫟菅西
都賓主談弗及憑虛安處無稱焉馬遷網羅竟遺佚相如亡
是徒詆譏三輔有圖可証失西京雖記誰何刪中郎鴻都刺
三體子雲奇字換太元博物不聞茂先識禮堂亦少康成箋
神憑鬼守十忽失其一如玉擴瑩珠投湍豈惟虞褚歐陽賞
墨妙韋郎杜老歌行先昌黎大筆尤卓犖畱諸太學永不刊
後來作者蘇最好歐與張李均嫋嫋諸家好辨如聚訟齋堂
瞽說尤狂顛敢笑歐九讀書少不厭趙君持論繁漁仲惑於

秦斤權升庵作僞章十全概從棄置不復道且謁聖廟觀璵璠入門十鼓列左右小碑旁立文釋潘一鼓飛上箕斗邊幻形春白天柱聯每鼓封以泥一丸珊瑚碧樹沙礫攢恍若魯鼓薛鼓文脫漏補亡訂闕無因緣日西裴徊不能去廟堂禮器橫秋烟玉堦柵楯石斷裂惟此屹立不動安如山自非至聖大神力詎免敗鼓增長歎吞之不可袖不得惟有低頭下拜呼頑仙吾交何蕃官博士欲使爬剔垢蔽還舊顏更須小築一亭子甲乙丙丁磊磊陳其前羅紋紫玉細椎榻裝潢美錦標牙籤識字有愧劉貢父作賦差擬周伯溫來春丁日大合樂四金六鼓聲喧闊輝煌路鼓鼙鼓側掩映雷發靈鼓偏

我

皇文德超羲軒兩塔千羽舞葛天璧雖黃奏坎坎鸞旛芳

藻玲咽咽至樂無聲神可格母乃石鼓高匏絃煥乎奎璧振
文采爛兮杓斗驚芒寒雖無四百六十飛鳳集或有三百二
十驪珠蟠終防六丁下攝取玉女一笑列缺吐火轟天門石
不能言但搖首寧共尼山木鐸千古萬古存長歌縱筆削常
語未暇援據魏晉唐宋遼金元

楊式玉

字元白一字嶧臺海寧人
詞譜生著崑臺詩稿

題許繩武雪莊漁唱

白雪吟成夜氣清蓼花深處一舟橫碧簫吹上城頭月恐有
仙人跨鳳迎

陳世稱

字恂齋海寧監生
著紀遊小草一卷

宿丹陽城外

船尾江南二月春紅鑚綠酒總愁人明朝便看江心月誰問

天涯旅病身

沈維基

字抑恭號心齋海寧副貢生官至延平知縣

俞寶華曰沈維基雍正壬子副貢與父廷薦同榜

題畫

遠浦雨殘紅葉瘦
晴沙秋老白鷗肥
不知烟水蒼茫裏
向晚漁船幾箇歸

俞

棠

字省原號甘村海寧監生著荆南燕臺鶴城等集

桑調元曰甘都爲寧遠令良模第三子其詩五律清蒼老練歲累劉城屹不可據七律尤渾灑流利借徑于宋而超躍入唐情韻並佳纏綿獨絕

春暮書懷

春光來去水東西
物理蒙莊那得齊
過眼烟雲成舊迹
逐時花月入新題
事如馬角原難望
路似羊腸最易迷
芳艸繫人

歸思切子規何事柳陰啼

作家書畢有作

旅况書難盡鄉關路復睽去時憑雁足到日燉燈花砌冷蟲聲急窗疏月影斜夜來成遠夢飄忽又還家

俞班筭

字雲森號玉亭海寧監生

同許西峯史達沙訪拙菴上人分韻得微字

訪道來香積僧房靜掩扉坐看春樹遠不覺晚風微梵語兼鐘動歸雲挾鳥飛風幡搖颺處覓句悟禪機

周逢吉

字罄宜號澹軒海寧歲貢生官遂昌訓導著平昌集

海寧州志孝友傳逢吉少好學弱冠儕於庠爲文根柢六經同里前輩范默菴張瑤圃華共稱異之晚以歲貢授遂昌訓導諸生毛儀南等逋賦縣申寧使者將除名逢吉捐俸代輸五人得開復成感激泣下訓諸生以程氏分年日程爲法文風不變聞母疾不待批允徑歸上官將以擅離職守罪之郡守曹渝彬力解得釋廣文

系無終養例自此遂著於令甲

思親

慈闈逾八旬薄宦遠千里憶昨捧檄初吾親輒色喜揭來每恩親晨昏不能已堂前繞孫曾雜沓進甘旨解釋倚闌憂真樂無過此亟須賦南陔飄然歸故里

校刻綱目發明畢偶成

史學能將經學參儒林舊數尹堯菴紫陽自有功臣在合繼春秋作美談

俞鴻發

字旋吉海寧人
振落吳江集

晚秋懷王月三

秋後風光展盡圖荻花楓葉掩寒蕪故人此日應相過重醉當年舊酒壚

俞元任

字莘陽餘杭歲貢生著星溪自怡小草

俞廷倫曰先大父莘陽府君歲貢生家徒壁立世守清
త授徒鄉塾以終後以廷倫官編修與曾大父念和公
均得馳贈如例

晚過烏鎮

烏戌村邊路蒼茫獨客愁燈從煙際出帆向雨中收閒犧眠
離角歸鴉噪樹頭浮雲起東北何處有高樓

鮑廷堅

字虞臯號虹川餘杭諸生著懷謝山房集

巨硯石與柘村明府雄飛雪子訥堂同賦

山以石室名巨石懸中嶺巒然凸奇峯結根本孤秀將崩故
未崩細乳蒼苔澑澑疑從混沌初蹲此搏象獸壁立撼晴空巖
雲千點瘦峩峩芙蓉青斑駿野花繡薜荔絡其腰松菌倚其
肘下可坐百人寒心危若覆好詩振蕩吟天驚秋雨漏何處

忽飛來無煩說靈鷲

王起鵬

知縣翻如歸

安拔貢生官清潤
丙辰舉博學鴻詞

100

雍詞
正科

庚戌錄歸安

王起鵬翹如陝西方將歸時翹如陝西

巡撫滿洲顧公所薦
以廷試來京師朝夕

吳眉菴少司馬座上和陳太史蕉窗歌韻送王翻如之
官清潤詩云和風徧拂春明門我友欲住王程敦炎官
熱屬肆驕蹇塞火輪匝地成燒痕蕉窗小集最幽雅爽
新沐驂朝駁一方淨綠照四壁竹牀藤簟樓冰魂夢前
垂柳綰離恨無計結伴尋花村三年契闊各持誦兩地
鼓鼻時多噴服官少暇知爾瘁挾策被放慚吾慴吟增
酒社蘆間寂此座屹若靈光存醉餘抵掌百不憚吾舌
尚在誰爲捫一錐莫辦倚地輜雙翮欲舉排天閣窗闌
主人擁獨坐不軒不冕師儒尊談詩刻燭啜清釅放眼
一任渾河渾長篇短句日投贈鄰架五色如雲屯我來
不厭百回讀頓頓嗟賞忘囊殞欲呼王郎共疊玩征車
憶我損懷抱五夜閑擊秦人盆燕渭樹各千里千盤
鳥道迷網縕我欲窺下獨宛轉此心如卷連朝昏淮中
要覺木無鹿豈復收作靈蛇君持辨香謁師座欵消
月旦高評論且期再來共

和全謝山韻送杭董浦二首

燕市悲歌憶漸離客愁無賴又臨岐黑駒雖敝猶存舌青雀
將歸已放眉晚色郵亭籠短帽秋風江店冷殘更憑君別著
新詩卷好去窺園當下帷

西子湖邊舊主人荷香柳影總比鄰潮聲夜雜窗前雨木葉
秋添澗底新寸草且將娛白髮三年姑去避紅塵畫船艤展
闊來往更著陶家漉酒巾

陳敦讓字志禮平陽拔貢生官長寧知縣著南雁山人集

下瞿塘

瞿塘天下險況復挾秋濤入地驚雷疾翻天白雪高孤崖看
似馬巨艦走如刀千里江陵路清猿處處號

送彭湘南之淮安

翩翩公子舊綵袍湖海逢君氣轉豪衡嶽秋雲名漸起漢江
春雪曲彌高司空夜識雙龍劍別駕新傳一佩刀握手天涯
成遠別他年淮北憶旌旄

潯陽懷古

吳楚中分一水長江州風景半蒼茫琵琶聲斷青衫老廬岳
僧歸白社荒無數亂帆投遠浦一行飛鶩傍斜陽蓬窗坐對
孤城晚惟有殘潮入枕涼

姚世鑑

字豐萬歸安人

朱文藻曰姚豐萬年二十三而卒與兄炳衡皆不永其年丁龍泓題夜雨圖詩所謂雙蘤玉樹幾經春者是也

杼山雜咏

陽崖招提境盎盎氣常苦燠燠迷炭紅白煙裊一縷暮延月
入嶂曉放雲出戶十枝五枝松老綠澄四宇

溫閑

浮梁跨冥壑自昔涉者利上下縛女蘿時時滴空翠山樽載
古查未酌情先醉欲別不忍別悲歌越林寺

黃浦橋

老桂綿冬春偃蹇蟠幽谷青紫色各殊淨綠媚遠目胡牀雜
坐眠屏除絲竹肉秋風一夕生紛紛墮金粟

桂湖

周

溟

字雨孚又字伯台號衍溪
仁和貢生著宜園雜稿

查昇傳畧日衍溪入試棘闈不售與顧爾夔施辰唐洪受茲沈英千及其同堂弟二溪人稱揅鄆堂六子衍溪善書法又嘗與錢他石論詩又嘗學采于閑園

懷洪台山時在家叔池陽任所

淇子池陽去至今猶未回選樓應作賦秋浦定傳杯古迹常
游遍離懷且放開淹留非本意叔也愛君才

立夏喜雨

夜送春風去朝迎夏雨來鶯聲猶未老榴蕊亦將開石上藤

蘿潤花間蝶迴園林塵俗少敢惜醉新醅

蔡朱源

字止韶號雪鴻仁和人

寄裘義門

曾約清秋醉鳳山仲冬猶自客郊關事無定數元難料人到中年豈易閒行色不離流水外鄉心常在蚤梅間破愁此夜還無賴高詠樓頭月一彎

秋夜東懷蓮峯開士

樂行苦住一無憑事俗生慙百不能得酒且終今夕興將詩題與故園僧板牀大被眠聽雨竹屋西風冷看燈秋到短籬鳴促織耳根唧唧喚愁增

許旦評

字聖來仁和人

秋曉登湖樓

幽賞續殘夜清吟倚斷烟蘭舟人盡醉柳岸月孤圓花氣矜
新雨霞光媚曉天幸君同妙境佳處有詩傳

戴

清

字開渠

仁和人

碧落詩話問渠在艮山俞家橋邊屋與水門對有遺詩
數冊曰海上吟曰棄餘偶識曰只可怡悅曰消寒艸
曰新春雜古曰香外更無春味梅三十首也
無子家無業儒者吳丈西林索其全稿藏之

憶鮑步江張石帆

爭傳張鮑詩無敵歸卧南徐一草亭偏爲品泉留客住獨憐
鼓瑟倚雲聽江聲夜走寒沙白山色晴消宿雨青都是懷人
愁眺處蒹葭秋水隔汀

書懷

放懷天地即吾廬雙足塵埃總自如遇友好添名士傳問心
少讀活人書新詩滿帙聞編次濁酒三杯闌破除只恨故山

歸未得十年踪跡隔樵漁

胡龍友

字宸翁仁和人著蕉陰書屋詩

山居

漸少區中累獨子山有緣誅茅隨地勢疏水出天然靜可開
書讀閒惟掩戶眠更謀栽筍蕨快意過年年

孫松

字冬秀仁和人

九日野竹菴懷王丈曾祥

秋日懷人易斷魂可堪無酒滯祇園晚鐘沉響摧紅葉細雨
斜飛叫白猿憐我偕僧依古佛羨君賞菊閑閑門難忘痛飲
從遊侶秉燭頽然清話喧

姚炳

字彦輝休寧籍錢唐著蓀船草堂集

銀杏樹

在報國寺前

古寺參天樹連巒野殿陰興亡猶在眼染悴自無心

志載樹無心

碧葉風霜勁銅柯歲月深兒童隨野拾零落滿平林

得翰如兄訊知自粵東入桂林志慰

秋風萬里盜裁書此日新來雙鯉魚挂嶺雲生天更杳藤江
霜下瘴初除歌聽蠻曲銜柳酒詩寄湘帆轉棧車遙憶關山
重踰越夢回池艸乍邇邇

嚴 垣

字金門餘杭人沈會
孫著武雲書屋詩

思歸

夢裡還家豈是還晨雞喚醒更茫然心如乳燕遲秋社身似
鰐魚夜廢眠母病三旬游子遠妻亡一載旅魂牽便思乞得
長房術忍畏長途緩着鞭

汪士桂

字森遠一字
生原仁和人

雨歇荷汎涼
卷十九熱交
孤松
姚
嚴垣
汪士桂

碧谿詩話生原先生大父自歛遷杭業陸遂占籍爲和人遭父喪爲同業所欺家遽貧與兄事繼母盡孝勞勸臥疾未辨色卽苦飢先生時方幼冲持孟適市購粉餌之類有戴翁茂齊者往往見之感其孝且誠招其家任以事先是尊人當予人金其人立券去家索攻隨療治疾愈得重酬悉以歸所負其人且服先生求償而力不能應會先生封孫子仁古義流輩或笑以爲愚弗顧也外舅康翁上征薄遊寧夏所積脩脯遠莫能寄召先生往攜歸悉畀內見未有所侵其取予守義如此寧夏之遊途中經遇宿靖惠亭之日小孫予汝來送我乎命取二果與之瞑目而逝子三呼之曰長蘋紹熙字子敬仁和名諸生貢成均幼孫名受璿字仁良珠郡諸生今與余並屋而居者也先生治易通其理字人日於醫著生原醫學讀本十餘卷併詩稿但散佚今所錄

行狀中者

渡黃河

晚行榮澤縣下馬渡黃河天上水來急滔滔湧大波一帆綫數里曲折幾回過不雨沙常濕無風浪自多人情翻覆者到

此更如何

岳王墳

忠孝英雄絕世無
岳王墳廟在西湖當時若使誅秦檜不過
凌煙一畫圖

薛國秀

字廷章父字楓山晚號號梵村居士錢唐人

尊聞錄余與廷章交垂三十餘年廷章家故有圓池亭
樹之勝又愛鑿鼎圖史古器皿凡出以示人皆精妙無
匹有好之者則舉以相畀不憚惜惜金石
文字明窗尋几筆精墨良往往隔幕不倦

秋雨不止

桂花高下罨天香
風雨淒迷氣不揚
四序久知同
逆旅雙眸猶祇戀
秋光身心縱覺馳
求歇景物難忘遷
轉忙何日槁居齊
木石證來安隱是良方

金惠麐

字沚漘號新亭
愁客錢唐人

尊聞錄先生抱道自高不樂仕進邱園養素酌醴燔
此焉自足晚年獨喜與余往來余乘小舟訪先生于郭
外坐水觀樓看山邀月日夜不厭樓上供大士銅像焚
香誦經晨夕稽首如老僧暇則讀書賦詩爲樂數十年
來積成卷帙不輕示人余曾受而讀之其腴美如飲梁
肉其清芬如茹苦荼飲茗汁神氣高迥境界遊覽不盡
如入千巒萬壑中不可指某水某邱爲佳勝地今年四
月入日爲先生七十壽辰余贈詩云幅巾杖履愛經過
古寺城東隱薜蘿浴佛怡逢天氣好逃禪差喜梵音多
米囊花艷侑千觴攬笋厨開日正長吟罷新詩還自壽
不勞陳語誦如岡巍然一老典刑畱今雨堂前記舊遊
四壁無塵山入座一間如畫水明樓魚我無心辨是非
雖蟲得失早忘機者英會裏風流客錯認年華是古稀

長日遺懷

夢中全是覺全非脉脉傷心見者稀風困林花和子落離成
梁燕背人飛名流喜著高簪帽末俗偏憎大布衣妻解辟纏
身織屨於陵有李可同歸

草堂今雨稱幽居客散門前獨晏如私喜羣公方有穀空慙

暖子出無車鑿飄入戶占何驗鵝上承塵識不虛一片多情
深夜月案頭照見絕交書

瓶儲直恐廢饔飧稍繼春炊勿復煩偶爾羹魚因結綱有時
採菽向中原好風惠我來虛牖夜月窺人到小軒會得此間
佳趣否不妨傾倒與君言

門巷居然處士家肯將蕭寂換紛華健兒不用誇身手餘子
何堪挂齒牙偶寄懷人吟夢草閒拈綺語仰空花官情見說
甜如蜜怪底蜂王解作衙

顧玉

錢唐人

清波小志顧玉者操舟之人也家蓋芝寺倒其父善琴
王幼習之父亡奉母以居風晨月夕放舟湖中撫琴自
樂其時金衢道梁公萬讚雅能琴適在湖夜泛闌琴聲
移船物色之與語喜其撫斂丘知其有母贈以金焉玉
嘗作夢花引云云玉蓋

李子也後母亡玉亦歿

蓼花開兮湖之秋兮蓼花落兮湖之涸兮念我生之頭白兮
與蓼花以朝夕兮嗟有母而無父兮徒自傷其孤露兮蓼兮
蓼兮子誰告兮

許宏祚

字貽豐號玉沙錢塘詩

水蓮集述言許徵士食餌二十年充貢候選司訓吾鄉
徐是齋先生督學黔中延以校士遂因例薦舉任滿始
放行脩遲例經停止竟不得官貧志以殘年五十有三
自其爲秀才時身村長入九尺腰大十圍聲如洪鐘每
試鎖闈門未被序立行轍中昂然傑出顧盼自雄雖頭
儒冠絕無措大氣味讀書作文冠其儕偶議論古今事
侃侃舍高談闊辨葉昌爲置酒款洽召余與王丈性如
其之自己至西極飲大醉玉沙宿葉昌齋中明日余猶
病醒未起聞欬屢甚急啟視之則三人者翩然而來復
邀至其家賞桂再飲比同玉沙歸入戶再不出余與王
夏雨君徘徊花下不聞人聲呼玉沙詢之則家人不來
火雨矣余乃探囊中得白金半兩付之市飲食仍相飲
至三更而罷月色轉佳玉沙猶不忍余輩別去行歌仍

歸報二三里然後分手明日葉昌遺伴餉之白米一石往
爲病者其家人亦不聞交談語其稚子捧書琅琅誦
不見索飯門東之狀其生平之高致殆不減古人也葉
昌死玉沙哭之慟墓有宿草猶望尊罍招余與王丈至
墳士前拜奠哭泣奠畢席地其飲飲澑復大哭哭已又
飲內動肝膈外揮涕淚所以感知已之難逢痛惜昔之
殊遇也歲乙巳學使者茶陵彭公維新奇其才招至幕
館分俸爲其長子完娶後受貴撫清河張公之聘纂修
黔省通志雍正壬子鄉試猶席帽青衫隨少年踏槐花
誼前就聘禾中義學館東修之入可得百數十金間友
人章性涵被謫急辭歸事徒步送其家人至京師流離
辛苦不憚跋涉至維揚囊無一步錢吾友薛君廷章與某
少同學乞之白金五兩然後得行至某處再貸以達
于都玉沙學問醇正搜輯名人文集手抄口誦不暫輟
又輯古今閨秀集若干卷考其人詳其里居姓氏各立
小傳以表其潛德蔣徵石草堂詩文集男其獲輯而藏

咏柳絮步古五梧庵韻

挾纊寄邊人吹來常滿紅花鋪墜去偏宜白氈巾生長長條
知別苦願同車馬渡關津

戲東翰夫徐明府

癡頭紅艷暗飛香猶似身居近洛陽採盡含苞銜盡粉一春
蜂蝶爲花忙

贈沈蒼鹿先生次元韻

時余省試被放

歷盡江湖老始歸一生才命兩相違腰無長物何妨瘦家有
藏書即是肥兒膽儘教奇語破奎光常挾彩毫飛詩名自足
傳千古休悔毛錐計盡非

憶章信闈戍粵西之柳州

邊徼無端動別愁南黔西粵水分流雁書有恨憑誰寄雞卜
雖神莫妄求大吏可能憐逐客孤臣猶許葬鄉邱

近得家書
知翁堂先

生已于去
冬歸葬投荒萬死君休悼贏得詩名繼柳州

顧士敬

字膚功
錢塘人

沈梅敗青燭遺稿日顧青燭先君子晴山公文字至交
也居同里朝夕往還各以道義相砥礪與至則銜毫賦
詩互相酬倡青燭丰神瀟散拘拘謙退君子也年四十
餘卒無子一女適方氏子名九韶字鳳儀號峯山善詞
曲有錦香亭傳奇行世與先伯兄菘可爲莫逆亦能詩
後潦落老病以死亦無嗣

病中晚眺

手倦妨幕帖心閒擬賦詩坐當山紫處直到月黃時晚氣秋
林重炊烟小戶遲病中何所樂得句遂忘疲

還書

林景日夕見霏霏滿庭除清興不可遏爲借東鄰書東鄰無
人讀積案總成虛我將一披閱頓覺塵俗踈如何會心處翻
在掩卷餘所恨日催索咀嚼不自如物各有常主送之還舊

居願言珍重藏勿使鮑蠹魚

陸名輔字左之
仁和人

碧谿詩話名輔會祖階字悌霞祖豐字杜南父嘉穎
字大田名輔遵例候選知縣督修江西南豐縣志

游山

行到山高處寧知第幾層哀猿啼晝夜獨鶴住邱陵路盡看
流水雲深見老僧此遊同五岳攜杖興堪乘

龔培學

字敏叔仁和人官婁
縣知縣著漫亭詩集

周京曰先生官婁江特殊有西山迂笏風致而於民事
又汲汲若不逮其心資欲有爲於時襟抱浩蕩不逐逐
風塵爲隨世就功名者揖讓而無所別自號爲詩歌往
往見其隱衷曰一編吾道貴三逕俗情疎日落落畱曾
間風俗良可馴有心哉其良幸歟

顧光曰敏叔爲念倫之弟雍正己酉用永福令婁
樹榮薦劾力兩河授婁縣知縣調吳江未赴任卒

江行襍詩

臥向滄江歲幾周又躋賓雁去南州歸耕未遂棲遲計投老
翻成汙漫遊細雨帆開京口路暮雲山隱海門秋中流擊楫

漁閒事遙指波心點點鷗

京口

潯陽渡口繫行舟楓葉蘆花映晚秋遷客已成千古恨西風
猶送一江愁烟凝暮靄山山暗鴉噪殘陽樹樹幽淪落天涯

何限事青衫不數白江州

薄陽

程

潛

字子大號荳洲又號又
漁村錢唐諸生著駢母集

駢母詩鈔自序畧曰余自東髮受書卽有意聲律之學
但往來鄉塾無所指南間從庭之暇得先君子粗授規矩遂解塗鴉迷弱冠後貧同趙壹骨似虞翻歷多
羣憤憤意洩所以有欲澆魂殼新耽酒要寫牢騷近學
古云詩以言志祇自道其窮愁鬱抑之情以是有全是
子山危苦詠半爲東野強歌篇之句是豈足以言詩哉誠乃形具而無用之物也名以駢母誰曰不宜

遊岳墳後山題僧壁

春風吹雨六橋西 武穆祠前碧草萋
愛踏青山雙不借 笑攜白墮一偏提
溪雲擁樹藏僧舍 野竹敲風縱鳥啼
到處清幽堪憩足 多他老衲乞畱題

遊范公祠

閒過勾畱處 城西得勝形 半分湖水碧 斜傍曉山青
春色餘三月 萩陰覆一亭 恩波流不斷俎豆自宜馨

贈張家寺智水上人

卓錫東來近碧湍 倏然情思託林巒
高吟對客推齊已 朗鑑知人是嫗殘上人善相術
開落門前花不問 樂枯世上眼慵看獨將淨業精修處
生鐵牀邊坐卧安

邱

峻

字晴峯仁和歲貢生著塊畫集珠江集

東郭

稻塍桑陌綠雲連東郭人家景物全雞粟啄餘馴五母魚萍
畝後破千錢衣縫女布新辭織卉結農蓑舊着肩最喜提壺
沽晚市明朝勑灌話便便

冬菜

學得東坡半畝耕腰鎌歲副幾千莖恐傷生意畱心在細切
香根帶雪烹不羨尊鱸張翰味還羞羔酒黨家鑑庖人會得
腥羶去勝喰梅花氣轉清

柳木嶺

縣

鳥送肩輿花送人奚囊一路染香塵兒童水角魚爲戲撫父
山腰艸作薪門第風光沿晉宋叢祠俎豆半汪程旗亭小憩
茶方熟盡說松蘿采早春

卽事

松下哦聲到下春竹爐催喚整黃封二三子興惟詩饑六十人豪爲酒濃茶把門生聊作供花光天意獨予豐放翁可惜因官束楚北川南無定踪

吳邦楨

字紫亭號丹巖仁和人雍正甲辰舉人歷昭化知縣

錢泰階曰丹巖居官方正廉慎徵糧令民自持槧量各揣度未去建臨江書院文教蒸蒸官九年不名一錢士民感德建坊誌之

遊煎茶坪

搢衣上高坪突兀見山脊誰人施大斧懸崖削成聳凌高目屢陟溪雲四圍白嵐翠滴征衫清氣到筠篠樵境不可尋人語烟林隔暝色上山腰倉皇促歸客